

ZWIWO ZWI ITWA ZWI

PFALAHO NGA VHUPOROFITA

 Kha ri kotamise zwifhaṭuwo zwashu zwino ri ite thabelo. Murena Mudzimu washu, Musiki muhulwane wa Mataḍulu na liphasi, O vusaho hafhu Yesu vhafuni, nahone a tshilaho na rine kha iyi miñwaha ya zwigidi zwivhili, a tshilaho misi yothe u khwathisa Ipfi Lawe huno a Li ita la ngoho kha murafho muñwe na muñwe. Ri livhuwa nga maanda nga nthani ha Vhuhone Vhukhethwa Hawe zwino, ri tshi ḋivha izwi, zwauri ri na uvhu vhutanzi ho kwaṭhaho vhuhulwane, ha uri nga murahu ha musi uvhu vhutshilo ho no fhira, ri na Vhutshilo Vhu Sa Pheli shangoni li no do da. Ri a U livhuwa, nga nthani ha izwi, Murena. Huno ilo fulufhelo, ngimisi kha mbilu, yo khwathaho nahone ya ngoho nga tshifhinga tsha ḍumbu. Huno musi madumbu a tshi da, magabelo mahulwane a tshi khou kunguluwa, ri a pfa uri nga lutendo Khae ri nga kona u ponya gabelo liñwe na liñwe.

² Mudzimu, ri thusē madekwana a ḥamusi musi ri tshi da u shumela vhalwadze na vha re na thodea. Ri a rabela, Mudzimu, zwauri hu si vhe na muthu a lwalaho vhukati hashu musi ri tshi ṭuwa madekwana a ḥamusi. Ngavhe muthu muñwe na muñwe a tshi fhodza nga Maanda Au Makhethwa, fhano na kha lushaka Iwothe, lwa vhuṭumani, ngavhe hu sa vhi na muthu a si na nungo ane a bva kha tshiñwe tshifhato-vho kana iñwe khuvhangano-vho madekwana a ḥamusi. Ngavhe Muya Wau u tshi vha fhodza. I ri Duvha lihulwane la u luga, li na phodzo phaphani Dzaļo, li ṭavhe, li rumele matālazaza a lutendo mbiluni iñwe na iñwe musi vha tshi thetshelesa Ipfi, vha vhone u vhonadzwa ha Muya Mukhethwa u tshi vha ita uri vha tende zwauri U kha di tshila. Ri rabela idzi phaṭhutshedzo, Khotsi, Dzinani la Yesu. Amene.

Ni nga dzula.

³ Zwa vhukuma ri dzhia izwi hu pfanelo yavhuḍivhudī u vha fhano madekwana a ḥamusi, hafhu, u—u amba na vhathe na u rabelela vhalwadze. Ri ḫoda u lumelisa avho vhothe vha re nnda shangoni la tha—thanganyo dza lutingo kha lushaka Iwothe, hafhu madekwana a ḥamusi. Huno ngauralo ri a rabela uri Mudzimu a fhaṭutshedze muñwe na muñwe wa vhoiñwi, ri tshi fulufhela uri vhothe vho ḫanganedzaho Kristo matsheloni ano vha do ḫadzwa Muya Mukhethwa huno misi yothe vha tshila vha tshi fulufhedzea nahone vhe vha ngoho Khae u swika vhutshilo ho no fhela hangeno kha liphasi, uvhu vhutshilo vhu faho. Huno zwenezwo vhone, nga u ita hezwo,

vha na Vhutshilo Vhu Sa Fheli. Vha nga si fe na kathihi kha tshikhathi tshi no khou da, kha Tshikhathi tshihulwane tshine rothe ra sedza phanda khatsho.

⁴ Zwino ri khou yo amba, musi ndi tshi khou elekanya nga hazwo, hu si u thithisa. Mukomana Vayle u fhano, huno zwi nga di itea nda swika hune nda si mu vhone. Ndi do... Naa ndi nga rumela linwalwa kha inwi musi ndi tshi humela murahu Tucson? Nge ndi khou li sedza-sedza, a thi athu li vhalala lothe, huno ndi do li rumela murahu kha inwi zwenezwo ndi tshi swika Tucson.

⁵ Zwino ndi khou toda u ita ndivhadzo. Iyi nga maanda i ya kha zwivhidzo huinwe na huinwe, nga maanda ngei Vhukovhela, kana huinwe na huinwe hu no toda u da. Mukomana washu a huliseaho, Mukomana Pearry Green, na... Ndi munna a re mutuuwedzi wa vhutumani uvhu ha ulu lutingo fhano. Murena o vha a tshi khou zwi vhea kha mbilu yawe u da a ri dalela Tucson, huno a thoma mvuseledzo Tucson, ine zwa vhukuma ra i toda. Huno Mukomana Pearry u do vha ngei Tucson. Arali ni tshi toda u mu kwama, itonu wana ofisi yashu henengei. Hu do vha hu nga Thangule nga la vhu10, vhu11, vhu12, na vhu13. O vha nazwo kha mbilu yawe lwa tshifhinga tshilapfu, huno ndo mu vhudza uri hu na "ndila fhedzi ya u zwi bvisa mbiluni yanu, iyani ni zwi ite." Huno ndi mukomana a re Mukriste, mulanda wa vhukuma wa Mudzimu. Huno vhoiwi vhatu, ngeyo Tucson, ndi a zwi divha uri ni do fhatutshedzwa musi a tshi shumela henecho huinwe fhethu, khamusi ngei Ramada Inn kana huinwe na huinwe hune Murena a nea fhethu, ha naho fhano. Fhedzi ndi a zwi divha uri ni do fhatutshedzwa nga u da, u pfa Mukomana Green a tshi ri talutshedza Ipfi la Mudzimu, khamusi a tshi khou rabelela vhalwadze, kana tshinwe na tshinwe tshire tsha vha kha mushumo wa ndodzo ya Mudzimu u tshi ita.

⁶ Nahone ri toda u livhuwa Murathu Orman Neville, Mukomana Mann, nga nthani ha itshi tshifhinga tshi mangadzaho tsha vhułama navho. Nga ndila ine nda vha a livhuwaho nga maanda u vha na, u dowelana na munna o raloho sa Murathu Neville, Mukomana Mann, na avha vhaiwe vhashumeli vhothe u mona hafha. Ndi dzhia uri vho limuiwa. Arali ni songo ralo, nga bodo yashu na tshivhidzo tshashu fhano, nne ndi na ngoho ya uri Mudzimu u a ni limuwa fhano sa vhalanda Vhawe. Ngavhe Murena a tshi ni fhatutshedza misi yothe.

⁷ Zwino, ndo humbelwa tshinwe tshithu tshituuku fhano, kha luñwalo luñuku lwe nda newa lwone, u... Vho vha vhe na muñangano wa vhalangandaka vhuñwe vhusiku fhano, nga ha bodo ya vhalangandaka na madikoni, huno ndi a elekanya uri maambiwa o vhalawa matsheloni a ñamusi phanda ha tshivhidzo. Zwine, iyo ndi ndowelo yashu u ita hezwo. Kha tsheo dze dza dzhiwa nga bodo ya vhalangandaka na madikoni

fhano tshivhidzoni, a hu na zwiñwe, dzi nga si takadze muñwe na muñwe. Riñe ri nga si kone u ita hezwo. A thi na tshithu na tshithihi tshire nda tea u ita na bodo ya vhalangandaka kana bodo ya madikoni. A thi na na khetho nnđani ha musi hu na mavhambe, huno ndi tea u vha fhano u zwi ita tshifhingani itsho, Murathu Orman Neville u dzhia iyo khetho ya vhuvhili. Zwenezwo ri tea u saina izwi, ngauri ri tshipida tsha tshivhidzo. Fhedzi tsheo ine bodo ya vhalangandaka na idzo bodo dza dzhia, zwa vhukuma ri a vha tikedza lwa ñana lithihi la phesente, ngauri iyo ndi yone ye vha ñela yone fhano. Huno tsheo dzavho dzi vhukati havho na Mudzimu. Ndi nga si kone, kone nahone ndi nga si ño ralo, nga ñiwe ñdila-vho, nda fhambana na iyo tsheo. Huno tshinwe tshithu, ndi a dzivhiswa nga Muvhuso wa United States u dzhia tsheo malugana na hezwo, ngauralo ni songo nkhumbela u khakhulula tsheo dzavho. Ndi nga si kone u zwi ita, nahone ndi nga si pfe tshithu nga hazwo. Ni a vhona? Ngauralo ni songo nkhumbela u khakhulula tsheo dzavho. Inwi vhonani bodo, iyo ndi yone yo dzhiaho dzitsheo. Zwo luga.

⁸ Zwino kha tshiwo tsha muñgano u ñaho, zwi a konadzea, arali Murena a tshi funa, ndi ño vha ndi tshi khou vhuya murahu fhano nga vhege dzi no ñoda u swika ñna u ya kha dza rathi, kana tshinwe tshithu tsha u ralo, u itela khamusi muñwe muñgano wa Swondaha. Huno ndo ñivhadza matsheloni a ñamusi uri ñdo vha ndi tshi ñoda u amba nga ha *Mudzimu O Vhonadzwa Kha Ipfi Lawe*, huno ndi tou vha ndi si nga vhi na tshifhinga madekwana a ñamusi, nahone, zwi khagala, a thi na na ipfi ño edanaho u zwi ita. Huno zwenezwo gogo, kañukuñuku hu na vhanzhi nga nnđa vhunga vha re nga ngomu, huno, khamusi vho engedzeaho, hu tshi khou vhalawa ayo mabisi na dzithiraka na zwithu zwo dzulaho ngei nnđa na vhathu. Yo fungiwa, khasho thukhuthukhu yo no ya ñtha zwiñku, ri kona u i pfa. Ili gabelo ñíku, shothiweivi i bvaho thaberenakeñeni, ri nga kona u doba iyo kule nga ñtha ha buloko ya mudi. Huno miñwe ya mimodoro i kule nga buloko dza mudi dzo vhalaho, miduba ya modoro, ñtha na fhasi, na u mona hoñhe na kha zwiñaraña, u mona hoñhe na thaberenakele madekwana a ñamusi. A thi tendi uri nga tshinwe tshifhinga, nga u vhona, ro vhuya ra vha na vhathu vho engedzeaho vho tsitsikana ngomu na u mona hoñhe na kereke u fhiria vhane ra vha navho madekwana a ñamusi. Ngauralo riñe ri... Huno vhanzhi, vhanzhi, vhanzhi vha khou tou reila vha tshi ya ñtha nahone vha reila vha tuwa.

⁹ Ngauralo zwi ya zwa sumbedza, "Hune Mutumbu wa vha hone, magoni a ño kuvhangana." Huno ngavhe ndi tshi ni vhudza madekwana a ñamusi, kha itshi tshigwada tshiñku tsha vhathu, ndi khuvhangano ya dzitshaka. Nga kañukuñuku mashango a mbumbano a fhiraho zwivhili zwararu o imelwa fhano, nga nnđani ha tshaka ñthanu dzisili, na u ya Rashia, na

hothe-hothe kha zwipiða zwo fhambanaho zwa shango. Kule ngei Venezuela, nda u dzhena ngomu Jamaica, hothe-hothe kha zwipiða zwo fhambanaho zwa lushaka, vhathu vha hone fhano, vha na ndala na ðora la Mudzimu. Ndi tshifhinga tshi mangadzaho-de nandi!

¹⁰ Zwino ndi ñoda uri, ri sa athu vhala Bivhili, huno ni do nthabelela zwino. Ndi-nne ndi khou yo lingedza u disa Mulaedza muñku, Murena a tshi funa, nga ha u tea ha phodzo ya Muya. Ngauri, matsheloni a ñamusi ro amba nga ha tshidzo. Huno madekwana a ñamusi ri khou yo amba lwa miniti i si gathi nga ha phodzo ya Muya, huno zwenezwo ra vhidza muduba wa thabelo huno ra rabelela vhathu. Musi ri tshi khou ita izwi, nda kha thumano, huñwe na huñwe hune na vha hone, na nda mabisini na mimodoroni u mona hothe, kha buloko kana mbili dza thaberenakele; musi hu tshi da tshifhinga tsha u rabelela vhalwadze, arali ni sa koni u dzhena ngomu tshifhañoni... Zwine, ni nga si kone, nne ndi na ngoho zwino, ngauri miñango huñwe na huñwe yo tsitsikana tshothe, u fhira, huno a hu na lufhera huñwe fhethu, ngauralo vhoñwi rabelani huno ni vheane zwanda zwa vhoñwi ngeyo nda. Huno mushumeli muñwe na muñwe a re na vhutumani ngomu madekwana a ñamusi, na ene a rabelele tshivhidzo tshawe musi tshumelo dza phodzo dzi tshi khou bvela phanda. Ri tenda zwauri Mudzimu u hothe-hothe, huñwe na huñwe. Zwino ri sa athu vhala kana...

¹¹ Phanda ha musi ri-ri tshi rabela, ri ñoda u vhala zwiñwe zwa Ipfi la Mudzimu. Huno ndo tshintsha Mañwalo anga-anga tshifhinganyana tsho fhiraho, ngauri ndi tshi ñoda u shandukisa lushaka lwa muñangano we nda u humbula ñhalukanyoni yanga u itela madekwana a ñamusi, ngauralo ndo u shandukisa zwiñkunyana; huno ngauralo ndo do tea u tshintsha Mañwalo anga, hu si u a shandukisa, fhedzi u a vhekanya nga inwe nzudzanyo, ya phodzo ya Muya, u itela uri-uri vhathu vha pfesese.

Kha ri ye kha Luka Mukhethwa, ndima ya vhu24. Huno ri do thoma kha ndimana ya vhu12 ya ndima ya vhu24, huno ra vhala u tsa fhasi u ñodou swika kha ya 34. I amba nga ha mvuwo ya Murena Yesu.

Zwenezwo Petro, a vuwa Petro, a gidimela kha tshalo; huno a kotama a ingamela, huno a vhonam ñiwenda... a tshi khou mangala ngomu ha ene muñezwo zwe zwa ña zwa khunyelela.

Huno, vhonani, vhavhili vhavho vho tuwa nga ñuvha lenelo lìthihi vha ya mudini u no pfi Emausi, we wa vha u stadia dzi no ñoda u swika dza furathi u bva Yerusalem.

Zwino, zwi dzhia stadia dza fumi u ita-u ita maela, ngauralo ho vha hu maela dzi ñodaho u swika dza rathi.

Huno musi vha tshi amba vho $\ddot{\text{t}}$ he nga ha...izwi zwithu zwe zwa bvelela.

...zwo da zwa khunyelela, zwauri, musi vha tshi amba vho $\ddot{\text{t}}$ he na u $\ddot{\text{t}}$ odisana, Yesu ene mu $\ddot{\text{n}}$ e a sendela tsini, huno a $\ddot{\text{t}}$ uwa navho.

Fhedzi ma $\ddot{\text{t}}$ o avho o vha o farwa uri vha songo mu $\ddot{\text{t}}$ ivha.

Huno a ri khavho, Naa ndi maipfi-de ane na fhindulana nga hao, musi ni tshi khou tshimbila, nahone no $\ddot{\text{t}}$ ungufhala?

Huno mu $\ddot{\text{n}}$ we wavho, we dzina $\ddot{\text{l}}$ awe $\ddot{\text{l}}$ a vha li Kleopa, a fhindula a tshi ri khae, Naa iwe u mutsinda u wo $\ddot{\text{t}}$ he Yerusalem, huno iwe a wo ngo $\ddot{\text{t}}$ ivha izwi zwithu zwe zwa da zwa khunyelela...maduvhani aya?

Huno a ri khavho, Zwithu zwifhio?

Zwino elelwani, uyu ndi Yesu Ene mu $\ddot{\text{n}}$ e, o vuwaho, a no khou amba.

Huno vha ri khae, Malugana na Yesu wa Nazaretha, we a vha e muporofita wa maanda nga nyito na nga ipfi phanda ha Mudzimu na vhathu vho $\ddot{\text{t}}$ he:

...nga ndila ye vhotshifhe vhahulwane na vhavhusi vhashu vha mu kumedza kha lwone...u—u ha $\ddot{\text{t}}$ ulelwa lufu, huno vha mu vhamba.

Fhedzi ro fulufhela zwauri o vha ene we a vha o tea u phulusa Israele: huno nga nndani ha izwi zwo $\ddot{\text{t}}$ he, $\ddot{\text{l}}$ a namusi ndi duvha $\ddot{\text{l}}$ a vhuraru u bva tshee izwi zwithu zwa itwa.

Iina, huno vha $\ddot{\text{n}}$ we vhasadzi na vhone vha hashu vho ri akhamadza, vhe vha bubela tshaloni;

Huno musi vha songo wana muvhili wawe, vha da, vha tshi ri, na vhone vho vhona bono $\ddot{\text{l}}$ a vharunwa, vhe vha ri...u a tshila.

Huno vha $\ddot{\text{n}}$ we vhavho vhe vha vhe na rine vha ya tshaloni, huno vha zwi wana sa zwe vhasadzi vha amba: fhedzi ene a vho ngo mu vhona.

Thetshelesani zwino; Yesu.

Zwenezwo a ri khavho, Oo matsilu,...vhadzia-mbilu dza dzithotho u tenda zwo $\ddot{\text{t}}$ he zwe vhaporofita vha amba:

Naa Kristo o vha a songo tea u tambula nga izwi zwithu, na u dzhena ngomu vhugalani hawe?

Huno a thoma nga Mushe na vhaporofita vho $\ddot{\text{t}}$ he, a vha $\ddot{\text{t}}$ alutshedza zwo $\ddot{\text{t}}$ he, kha ma $\ddot{\text{n}}$ walo o $\ddot{\text{t}}$ he zwithu zwi re malugana na ene mu $\ddot{\text{n}}$ e.

Huno vha sendela tsini ha mudi, he vha vha vha tshi ya hone: huno a ita u nga ri o vha a tshi do vha o fhirela phanda.

Fhedzi vhone vha mu fhembeledza, vha ri, Dzula na riñe: ngauri hu ḥodou vha nga madekwana, huno ḥuvha lo no di kovhela. Huno a dzhena uri a dzule navho.

Huno zwo da zwa khunyelela, musi o dzula zwiliwani navho, a dzhia tshinnkwa, huno a tshi fhatutshedza, huno a tshi nwatekanya, huno a tshi nekedza khavho.

Huno maṭo avho a bonyolowa, huno vha mu ḥivha; huno a vha xela-xela vha si tsha mu vhona.

Huno vha amba nga tshavho, Naa mbilu dzashu a dzo ngo swa ngomu hashu, musi a tshi amba na riñe ndilani, na musi a tshi ri vulela manwalo?

Huno vha takuwa nga awara yeneyo nthihi, huno vha humela Yerusalema, huno vha wana vha fuminthihi vho kuvhangana, na musi vhone vho vha vhe navho,

Vha tshi ri, Murena o vuwa nangoho, huno o divhonadza kha Simoni.

Huno vha vha vhudza zwithu zwe zwa itwa ndilani, na ndila ye a ḥivhiwa nga vhone nga u nwatekanywa ha tshinnkwa.

¹² Zwino kha ri rabele. Khotsi a Funwaho wa tshilidzi, ri a U livhuwa nga nthani ha Ipfi Lau, ngauri Ipfi Lau ndi Ngoho, Ipfi Lau ndi Vhutshilo. Huno Iwe, Oo Murena, na Ipfi Lau ni Muthihi. Ngauralo ri a rabela madekwana a namusi, Murena, uri U do da vhukati hashu nga maanda a mvuwo Yau huno wa ri sumbedza madekwana a namusi, vhunga avho vho daho vha tshi bva Emausi, uri na riñe-vho ri do humela mahayani ashu, ri tshi ri, “Naa mbilu dzashu a dzo ngo swa ngomu hashu?” Zwi tendele, Murena, hu ḥodou vha tshifhinga tsha nga madekwana hafhu. Ngauri ri zwi humbela Dzinani la Yesu. Amene.

¹³ Zwino ndi khou ḥoda u amba malugana na iyi Bivhili. Huno thoho yanga madekwana a namusi, u itela thoho, ndi: *Zwiwo Zwi Itwa Zwi Pfalaho Nga Vhuporofita. Zwiwo Zwi Itwa Zwi Pfalaho Nga Vhuporofita.*

¹⁴ Zwino, Bivhili ndi Bugu yo fhambanaho na dziñwe bugu dzothe dzo khetheaho. Bivhili ndi Bugu yo fhambanaho. Ndi Bugu ya vhuporofita, i bvumbaho zwi daho. Nahone Ndi Nzumbululo ya Yesu Kristo. Ndilani yothe u bva Genesi u ya kha Nzumbululo, i a Mu bvisela nnda Ene nga vhudalo, zwe A vha e zwone nahone u zwone. Huno Bugu yothe yo vuledzeaho, Nzumbululo 1:1 u ya kha ya 3, yo ri Bugu ndi Bugu ya “Nzumbululo ya Yesu Kristo,” ine ya vha Ipfi la Mudzimu. “Nzumbululo ya Yesu Kristo,” Ipfi la Mudzimu!

¹⁵ Zwino, dzińwe bugu dzothe, bugu dzo khetheaho, dzi tou vha khouda ya milayo ya mikhwa fhedzi, khouda ya mikhwa yavhuđi, kana khouda ya theolodzhi. Tshińwe tshithu tshe... Naa ndi vhanganha vho vhuyaho vha vhala Koran, Bivhili ya Mohamede, na—na bugu ya Vhabuddha, na dzińwe-vho? I tou vha khouda ya milayo ya mikhwa, zwine vhathu vha tea u tshila, ndila ine vha tea u tshila, fhedzi a i porofiti, a i ambi tshińwe tshithu nga ha izwi zwithu kana nga ha zwińwe zwifhiwa-vho zwa tshipentshela zwi no khou newa nnyi na nnyi, tshińwe tshithu tshi no tea u itea. U tou fana na u vha murado wa nndu ya vhuawelo kana tshińwe tshithu. Ngauralo-ha, musi zwivhidzo zwi tshi da fhethu hune zwa ita tshivhidzo tshavho nndu ya vhuawelo ine vha vha murado wayo, zwenezwo vha bva thwii kha Ipfi la Mudzimu.

¹⁶ Ngauri Bivhili ndi vhułanzi vhu tshilaho, ho bvumbiwaho ha Yesu Kristo. Huno vhunga liphasi lo aluwa nga vhuđalo halo, huno na mindirivhe i tshi aluwa nga vhuđalo hayo, đuvha li aluwa nga vhuđalo halo, Bivhili yo vhonadzwa nga vhuđalo Hayo nga Muthu wa Yesu Kristo. O vha e Ipfi la Mudzimu lo dzumbululwaho, Bugu ya Thengululo yothe yo vuledzeaho. Bivhili ndi Ipfi la Mudzimu, li no bvumba zwiwo zwi daho. Vhatendi vhayo vha laiwa nga Muñwali Wayo u vhala na u tenda Ipfi lińwe na lińwe Łayo, hu si tshipida Tshayo fhedzi. Ipfi lithihi, u sa Li tenda, inwi ndi khwiné ni tshi litsha u lingedza u swika ni tshi tenda ilo Ipfi. Ipfi lińwe na lińwe zwa vhukumakuma ndi tshipida tsha Mudzimu Ramaandothe; Mudzimu o vhonadzwaho, o moniselwaho ngomu ha Ipfi Ławe, u sumbedza uri Ene ndi Nnyi. Ri a laiwa, sa vhatendi, u tenda Ipfi lińwe na lińwe Łalo. Huno Lo ñwaliwa nga Muñwali wa Mudzimu Ene mune. A hu na muthu ane a nga kona u engedza nga tshińwe tshithu Khaļo kana u bvisa tshińwe tshithu Khaļo. Arali no vha ni tshiđo ralo, wo vha u tshi do vha muvhili u si nomala wa Mudzimu. Wo vha u tshi do vha na, khamusi vhunga minwe ya rathi kha tshanda tshithihi, kana—kana zwanda zwiraru, kana tshińwe tshithu, u engedza nga tshińwe tshithu, u tusela tshińwe tshithu kule hawo huno wa tahedza nga tshanda tshithihi, wa taħedza nga munwe muthihi. Ndi Muvhili wa Yesu Kristo wo vuledzeaho. Huno kha Kristo, e wa Tshinnani, Muhwe, Muselwa u imelwa ngomu Hawe na ene. Huno avha vhavhili vha Muthihi. “Nga ilo đuvha ni do zwi ñivha uri Nñe ndi kha Khotsi, Khotsi kha Nñe, Nñe kha inwi na inwi kha Nñe.” Ndi tshifanyiso-de tsho vuledzeaho nandi!

¹⁷ Huno vhatendi vha ngoħo kha ili Ipfi, vha no Li tħaganedza nga iyo ndila, vha a Li tenda, huno nga vhusifhelembilu vha lindela pfūlufhedziso dzo porofitiwaho Dzalo, inwe na inwe yadzo uri i vhonadzwae nga tshikhathi tshayo. Mutendi muñwe na muñwe o zwi sedzesha. Mutendi muñwe na muñwe we a vha o fhaļuwa, o sedzesha, ndi ene o dzumbululelwaho.

¹⁸ Zwino sedzani mađuvhani a u ḍa ha Murena Yesu. Ndi ngani avho vhathu vha songo limuwa Yohane, ngeno Bivhili yo amba zwi khagala nga Yesaya, “Hu ḍo vha na ipfi la muniwe a no huwelela sogani, ‘Lugisani ndila ya Murena’”? Muporofita wavho wa u fhedza we vha vha nae, ane a vha Maleaxi 3, a ri, “Vhonani, Ndi ruma muđinda Wanga phanda Hanga uri a lugise ndila.” Ndi ngani vha songo zwi vhona? Ngauri vho vha vha tshi khou sedza kha tshińwe tshithu tsho no itwaho, vho tea mihibulo yavho kha muńwe mulaedza wo no ḫi bvaho phanda, huno vha kundelwa u vhona u vhonadzwa ha zwino ha Mudzimu kha ḫuvha ḫe vha vha tshi khou tshila khaļo.

¹⁹ Huno Vhakriste, huńwe na huńwe, afho ndi hone kokotolo he shango la ima hone ḫamusi. Hu si na khanedzano, iyo ndi ngoho! Vhakriste, huńwe na huńwe, vha khou lingedza u sedza murahu kha ińwe khouda ya milayo ya mikhwa ye Vho-Luther vha riwala, kana Vho-Wesley, Sankey, Finney, Knox, Calvin; ine, a hu na na muthihi washu ane a nga i amba nga ndila mmbi, fhedzi iyo yo vha hone kha ḫuvha ḫo fhiraho.

²⁰ Vhafarisei vho sedza murahu u vhona zwe Mushe a amba, huno vha ri, “Ri na Mushe. A ri ḫivhi hune Iwe wa bva hone.”

²¹ Fhedzi elelwani, musi Mushe e fhano, a vho ngo ḫivha hune a bva hone. Ni a vhona? Huno zwino vha... A zwi mangadzi Yesu o ri khavho, “Ni thakha mavhida a vhaporofita, huno ndi vhoinwi vhe na vha vhea ngomu heneffho.” Nga murahu ha musi Mulaedza wavho wo no ḫuwa! Mulaedza u a fhira, vhathu vha a U vhona, vha tamba Ngawo (shango li a ita). Huno zwenezwo nga murahu ha musi muđinda o no vuledza na Mulaedza wo no fhela, zwenezwo vha fhaṭa dinomineisheni kha Mulaedza. Huno heneffho vha a fa, henehafho, na kathihi a vha ḫi Vhutshiloni hafhu.

²² Sedzani lwa tshifhinganyana, kha vhańwe vha vhoinwi vhathu, nahone nga maända ndi amba na vhoinwi vhathu vha Katolika. Naa ni a limuwa, naa no no vhuya na vhala ḫivhazwakale ya vhukuma, ḫivhazwakale ya tshivhidzo tsha Roma Katolika? Nga ndila ye kha u fela lutendo hanu, u bva tsha Augustine Mukhethwa wa Hippo, ndi vhathu vha milioni nngana vha si na mulandu vhe tshivhidzo tsha vha vhulaha! Ndi a hangwa, ndi nga si kone u vhidza nomboro i re yone kokotolo, fhedzi i nthia kha dzimilioni, tshi bva tshee Hippo Mukhethwa wa... Augustine Mukhethwa wa Hip... wa Hippo, Afurika, o zwi ita ndivhadzo ya uri zwa vhukumakuma ho vha hu lufuno lwa Mudzimu u vhulaha nnyi na nnyi a no gwalabela tshivhidzo tsha Roma Katolika. Naa ni a limuha uri kha hezwo, uyo Patrick Mukhethwa na kathihi ho ngo limuiwa u swika nga murahu ha lufu lwawe, sa wa Roma Katolika? O gwalabela mupapa na nyito dzawé dzothe, huno tshivhidzo tsha Katolika tshone tshiné tsho vhulaha mahumi a zwigidi a vhana vhawe. Naa ni a zwi ḫivha uri tshivhidzo tsha Katolika

tsho fhisa Joan of Arc, uyo musadzi mułuku o khetheaho, kha u vhulawa nga u tou fhisiwa, nga ńwambo wa u vha-...ha pfi o vha e muloi. Nga murahu ha mińwaha ya mađana mavhili, ha bwilulwa mivhili ya vhotshifhe, musi vha tshi wanulusa uri zwo vha zwo khakhea, huno vha vha posela ngomu lwanzheni, hu si na u vha swīta mavuni makhethwa, uri vha ćitarafe.

Ni songo litsha ćuvha li tshi fhira nga n̄ha ha thoho yanu, huno na vha o tsilufhalaho.

²³ Nga ndila ye avho vhotshifhe vha do takalela, madekwana a ńamusi, u ća, vhe vha hatula Yesu. Tshithu fhedzi, na kathihi a vho ngo vhona u bvumbiwa ha iyo awara. Arali vhone... Yesu o ri, "Fhendani Mańwalo, ngauri Khao ni elekanya," kana, kha ndi ri, "amba zwauri ni na Vhutshilo Vhu Sa Fheli, huno Mańwalo ndi one a no ni vhudza uri Nñe ndi Nnyi," wa iyo awara.

²⁴ Dzhielani nzhele, Bivhili i nga si kone u kundelwa. Ndi tshithu tshithihi tshine I si nga koni u tshi ita, Ipfi la Mudzimu, u kundelwa, ngauri Li bvumba mishumo ya Muńwali Wało A sa athu i ita.

²⁵ Zwino, hu na tshikhala tshithihi kha zwa tshigidi tsha uri munna a nga di bvumba zwauri tshińwe tshithu tshińwe-vho tshi khou yo bvelela, huno tshi do bvelela. Fhedzi zwenezwo arali a vhea fhethu *hune* tsha khou yo bvelela, izwo zwi mu tumulela phasi khamusi kha tshikhala tshithihi kha zwa zwigidi zwa fumi. Arali a amba ćuvha line tsha khou yo bvelela, izwo zwi a zwi tumulela phasi, tshikhala tshithihi kha zwine zwa ćodou swika milioni. Na uri ndi *nnyi* ane zwa khou yo bvelela khae, izwo zwi zwi ćisela phasi kha zwikhala zwa dzibilioni.

²⁶ Fhedzi Bivhili iyi i a ni vhudza kokotolo uri *nnyi*, *lini*, *ngafhi*, na *mini* tshine na tea u tshi sedza, nahone na kathihi a tshi athu kundelwa nga tshińwe tshifhinga. Ngauralo-ha, kha nyambedzano ćukhu i si ya kale, na tshifhe wa tshivhidzo tsha Mbilu Yo Khetheaho ngeno n̄ha; o ri, "Vho-Branham, ni khou lingeda u ćata nga Bivhili." Ha pfi, "Iyo ndi divhazwakale ya tshivhidzo."

Nda ri, "A si ćivhazwakale. Ndi Mudzimu, Ene muñe, nga mugandiso."

A ri, "Mudzimu u kha tshivhidzo Tshawe."

²⁷ Nda ri, "Mudzimu u kha Ipfi. Huno tshińwe na tshińwe tsho fhambanaho Nało, kha tshi vhe mazwifhi. Ngauri O ri, 'I ri ni Ipfi Langa li vhe la ngoho huno ipfi linwe na linwe la muthu li vhe mazwifhi.'"

A ri, "A ri tei u ćata."

²⁸ Nda ri, "Na kathihi a tho ngo ni humbelu u ćata, fhedzi Bivhili i a amba uri, 'Idani, kha ri rovhedzane.'"

²⁹ I bvumba mishumo ya Muńwali musi A sa athu i ita. Ngauralo-ha, a tshi amba izwo, zwenezwo izwo zwi vhea munna

muńwe na muńwe na musadzi, kha Tshidzulo tsha Khańhulo, hu si na tshińwe tsha u dińanzwa-vho ngatsho. Arali na dzhia zwine Mumethodisi a amba nga Hayo, zwine Mubaphuthisi a amba nga Hayo, zwine Mukatolika a amba, zwine Mupertekostańa a amba, kana tshińwe tshivhidzo-vho, ni nga di wana huińwe u shonisiwa ngei Khańhuloni. Fhedzi arali ni tshi do tou sedzesza zwine Bivhili ya amba uri tshi khou yo bvelela, na musi tshi tshi bvelela, zwenezwo ni do limuwa tshi no bvelela.

³⁰ Zwino, a tshi tou vha henefho nnnda hune tsha vhonala tshi khagala lune vhatu vhothe vha nga kona u tshi vhon, ngauri Yesu o livhuwa Mudzimu kha u zwi dzumbela mańo a vhatali na vho thanyaho, huno u do tshi dzumbululela vhuskie vhu no nga vhu no do guda. Elekanyani nga ha Mudzimu Ramaandothe o dzula kha Ipfi La Ene muńe, e na maanda a u pofudza vho pfumaho na vhanyadzi na—na zwikola zwe funzeaho, a pofudza mańo avho u itela uri vha songo kona u Mu vhon, huno a vula mańo a vha shayaho na vha songo funziwaho.

³¹ Dzhielani nzhele avha vhatu vha bvaho Emausi, O ri pfereso yavho—yavho ya Ene yo vha yo fariwa. Vho amba Nae huno a vho ngo vhuya vha dińvha uri o vha e Nnyi, duvha lońthe. Mudzimu u a kona u ita hezwo, ngauri Ndi ene Mudzimu.

³² Izwo ndi zwone kokotolo zwe A ita kha avho vhotshifhe, avho vhamarwalo, ngauri Zwo vha zwe ñwaliwa zwauri U do tea u ita hezwo. Mudzimu o pofudza mańo avho u itela uri ri vhe na tshikhala. Dzhielani nzhele, vho kundelwa u vhon, a hu londwi uri vho vha vhe zwikola zwingana, vho vha vhe vhotshifhe vhangana, zwe vha ita zwone, vho di vha vha kundelwaho u Li vhon, ngauri vho vha vho pofula. U vhon havho hu nga di vha ho vha fumbili-fumbili, nga lwa ñama. Fhedzi u vhon havho ha maya!

³³ Ndi zwenezwo zwithihi zwe nda vha ndi tshi khou lingedza u amba matsheloni a ñamusi nga ha vhupombwe ha vhasadzi, vha tshi ambara ga ndila ine vha ita zwino. Ndi dziphombwe. Kha Bugu ya Mudzimu vha na mulandu wa vhupombwe tshifhinga tshińwe na tshińwe vha tshi ambara zwiambaro zwi vhonala zwi zwa vhudzekani. Mbilu yavho, i sa zwi dińvhi. Ndi a tenda zwauri avho vhasadzi, vhnunzhi havho, zwigidi zwavho, a vha na mulandu, nahone a hu na ndila ine vha nga ita vhupombwe. Huno vhasadzi vha shayaho, vhe na muńwe muthu a no do vha tendela u bvela phanda nazwo, a sa zwi ñani huno a amba ngoho, vha ita vhupombwe. Zwine, Bivhili yo ri, "Phombwe yo dzulaho kha madi manzhi, ye khosi dzońthe dza lífhasi na vhatu vha lífhasi, zwivhidzo na zwiniwe-vho, zwa ita vhułondolo ha maya nayo. Huno yo vha i MME A DZIPHOMBWE," dzidinomineisheni.

³⁴ Ri sedza Bivhili, ngauri Mudzimu ha ri sii swiswini. O rumela Bivhili ya u ri bvumbela zwiwo musi zwi sa athu bvelela, na yeneyo mvelo na tshifhinga tshire zwa do da.

³⁵ Zwino, ndi tshiñwe tshithu tshi fanaho na u sedza kha khalenda u vhona uri ndi datumu ifhio. Arali ni tshi elekanya, na amba uri iyi ndi uyu Mugivhela, Swondaha, naa ndi la vhunngana? Sedzani kha khalenda. Khañenda i ño ni vhudza uri ndi ñuvha liphio. Musi ni tshi vhona nyito dza vhathu, khamusi vha tshi khou ya tshivhidzoni, ni vhona yone—yone...ni pfa tsimbi dzi tshi lila, ni a mangala uri ndi ñuvha liphio. Sedzani kha khalenda, i ño ni vhudza uri ndi ñuvha liphio.

³⁶ Huno musi ni tshi vhona tshivhidzo tshi tshi vha sa shango, vhunga zwe zwa vha zwi zwone maðuvhani a Sodoma, na vhona tshivhidzo tsha shango tshothë tshi tshi dzhena ngomu...u luvha “mudzimu wa itshi tshikhathi tshivhi,” huno ni tshi vhona hezwo; zwenezwo ni tshi vhona tshigwada tshiñuku tsha vha si gathi tsho kuvhangana fhasi ha u heyhedzwa nga Mudzimu, tshi tshi khou bveledza hafhu Vhutshilo ha Yesu Kristo, nga Maiwalo a no tea u bvelela, ni a ñivha awara ine na khou tshila khayo.

³⁷ Iyi Bivhili i a bvumba, nga vhuporofita, uri ri tshila ñuvhani liphio, na tshifhinga tshine ra khou tshila khatsho, na uri ndi lushaka lufhio lwa zwiwo zwine zwa tea u vha zwi tshi khou itea. I a zwi bvumba kokotolo nga u tou ralo, nahone na kathihi a i athu balelwa nga tshikhathi na tshithihi, tshifhinga tshothë. A hu na tshifhinga na tshithihi tshe Ya vhuya ya balelwa, nahone I nga si ño ralo, ngauri avho vho tiwaho uri vha zwi vhone vha ño zwi vhona. Yesu o ri, “A hu na muthu ane a nga kona u ña kha Nñe, nñdani ha musi Khotsi Anga a tshi mu kokodza, huno vhothe vhe Khotsi a Nñea vhone vha ño ña.” Ndi Ipfi li no khou vha murado na Ipfi. Li nga si ite tshiñwe tshithu-vho. Ri a li ñivha, ñuvha line ra khou tshila khalo.

³⁸ Fhedzi sa zwe zwa vha zwi zwone kha tshikhathi tshiñwe na tshiñwe, vhathu vha tendela vhanna u vhea thalutshedzo ya vhone vhañe kha ili Ipfi, huno vha vha vhangela u pofudzwa kha tshiwo tsho bvelelaho. Ndi zwenezwo zwithihi zwe ha ita Vhafarisei na Vhasadukei. Na musi Paulo o ima henefhalo huno a lingedza u redza Luñwalo, huno muñwe munna a mu rwa tshifhauwoni nge a vhidza tshifhe muhulu luvhondo lwo hulungwaho. Huno zwenezwo vha balelwa u vhona Mudzimu a tshi khwathisa Ipfi Lawe lo porofitiwaho.

³⁹ Ni a vhona, Bivhili a i Dihanedzi; Bivhili ndi Mudzimu. A hu na khanedzano kha Mudzimu; O fhelela.

⁴⁰ Fhedzi vhathu, vhe na thalutshedzo ya vhone vhañe! Zwino dzhielani nzhele, i ri ni ndi ni sumbedze, dzikhonani. Zwivhidzo a zwi koni u tendelana kha thalutshedzo Yayo. Mumethodisi ha koni u tendelana na Mubaphuthisi, Mubaphuthisi na Mupuresbiterieni, Mupuresbiterieni na Vhapentekostaña. Huno hu na madzangano a ñodaho u swika fuina o fhambanaho a Pentekoste, a vha koni u tendelana. Ngauralo ni a vhona, iyo i ño vha Babele hafhu, i ñadisaho.

⁴¹ Fhedzi Mudzimu u ita thalutshedzo Ya Ene muñe ya Ipfi Lawe. O fulufhedzisa itshi tshithu, huno zwenezwo u a tsiti Ene muñe. U nea, Ene muñe, thalutshedzo yatsho, ngauri U a Didivhadza nga iyo awara. Ndi kule hani he wone—wone Muvhili wa Kristo wa bvela phanda, u bva ñayoni u ya thohoni!

⁴² Dzhielani nzhele, zwenezwo itsho ndi tshone tshi itisaho uri avha vhathu vha kundelwe u zwi pfectesa, ngauri vha thetshelesa zwine muñwe muthu-vho a amba nga Halo, vhudzuloni ha u vhala Ipfi vhunga Yesu o vha vhudza u ita, “Huno Ndi one Ane a Ntanzielela. Fhendani Maiwalo, Khao ni elekanya zwauri ni na Vhutshilo Vhu Sa Fheli, huno Ndi one Ane a Ntanzielela.” Nga maniwe maipfi, thetshelesani, “Mini? Vhalani Maiwalo huno ni vhone zwe Mesia a vha a tshi tea u ita. Vhonani tshifhinga tshe Mesia a vha a tshi tea u da. Sedzani we a vha a tshi khou yo ranga Mesia phanda. Sedzani awara. Hu khou tea u vha na ipfi la muñwe a no huwelela sogani, Yohane. Huno no mu ita kokotolo zwe na funa. Sedzani zwe Nda vha ndi tshi tea u zwi ita musi Ndi tshi da. Huno zwino no itani? Naa Ndo kundelwa u khunyeledza Itshi?” Ni a vhona, Yesu a tshi khou amba, “Naa Ndo kundelwa u khunyeledza Itshi?”

⁴³ Dzhielani nzhele, musi ri tshi tsa fhasi nga kha Maiwalo masiari a ñamusi, nga ndila ye tshiñwe na tshiñwe tshe tsha porofitwa nga Hae tsha bvelela tsho tou kokotolo nga ndila ye tsha vha tshi tshi tea u ralo. Vho vha vho tea u vha vho divha itshi tshiwo. “Uyu wa vhusweleli ho kalulaho, Muthu muswa o vuswaho, wa miñwaha i todaho u swika furaruraru na...kana wa miñwaha ya furaruraru, huno a tsela henengei fhasi huno a amba tshaka dzothe dza Zwedza, na Maivha a tshi khou gonya. Huno, mulandu, ho vha hu tshi tou vha tho—thoni.” Vha ri, “O bebwa nga vhabebi vha u vhumbelwa, o amba uri O bebwa nga mbebo ya musidzana.”

⁴⁴ Naa vho vha vho tea vha songo zwi divha zwauri Yesaya o amba, kha Yesaya 9:6, “Kha riñe Ñwana o bebwa”? Naa a vha tei u zwi divha na zwone zwauri muporofita Yesaya o ri, “Musidzana u do dihwala”? Vha tea u vha vho zwi divha izwi zwithu. Fhedzi, ni a vhona, tshithu tshazwo ho vha hu uri, vho vha vha tshi khou zwi shumisa huiwe fhethu hu re kule phanda. Huno uyu Munna, khavho, ho ngo khunyeledza vhunzani. Fhedzi O vha humbela, “Fhendani Maiwalo, ngauri ni elekanya uri Khao ni na Vhutshilo Vhu Sa Fheli, huno ndi One tshenetsho Tshithu tshi no tanzielela Mulaedza Wanga.” Hu si zwe muñwe ratheolodzhi a amba; fhedzi zwe Mudzimu a amba, Ipfi La Ene muñe, lo ri zwi do itea! Amene!

⁴⁵ Ngauralo zwo ralo zwino! Fhendani Maiwalo, ngauri Ndi one Ane a ri vhudza awara ine ra khou tshila khayo, a a ri vhudza kokotolo zwine zwa do itea nga lino ñuvha. Ndi one Ane na tea u ditika ngao, ngauri Ndi one Ane a tanzielela Muthu wa Yesu Kristo. Ngauri Bivhili yo amba,

zwauri, "Ha shanduki mulovha, namusi, na lini na lini," ngauri Ndi ene nzumbululo ya Ipfi kha tshikhathi. Hu nga si vhe na phambano.

⁴⁶ Ngauralo-ha nga u thetshelesa thalutshedzo ya munna, vha a vhona u khwathiswa ha Ipfi la Mudzimu hu tshi khunyelela, vha a kundelwa u I vhona. Ngauri, i khou bvela phanda tshifhinga tshothe, fhedzi ngauri vha a thetshelesa... Huno Yesu o ri, "Ndi vharangaphanda vho pofulaho." Huno arali bofu li tshi ranga phanda bofu, naa hu bvelelani khao? Zwino elelwani, Bivhili yo bvumba uri itshi tshikhathi tsha vhuhuweleli tsha itsi Tshikhathi tsha Laodikea tsho pofula. Vho vha Nae nga nda ha tshivhidzo. A hu na tshiñwe tshikhathi, tshiñwe tshikhathi tsha tshivhidzo, tshe Yesu a vha e nga nda. Fhedzi Tshikhathi tsha Tshivhidzo tsha Laodikea, O vha e nga nda, a tshi khou lingedza u vhuyelela ngomu, "Ndo ima munangoni huno ndi a ombo-omba." U tea u vha nga ngomu. Fhedzi O ri, "Ngauri ni ri, 'Nñe ndo pfuma, ndo andelwa nga ndaka, a thi ḥodi tshithu,' huno a ni ḥivhi, a ni zwi ḥivhi zwauri ni bofu, lo rangaho phanda bofu, a shayaho muyani, no dzhielwa, ni a ḥungufhadza, ni fhedzi, huno a ni zwi ḥivhi." Ndi nyi... Arali munna o vha e fhedzi tshitaratani, o dzhielwa, o pofula, huno a tshi zwi ḥivha uri u na thalukanyo yo edanaho uri ni nga kona u mu vhudza uri u fhedzi, o vha a tshi do lingedza u ita tshiñwe tshithu nga hazwo. Fhedzi musi a tshi dzinginyisa ḥoho yawe, a ri, "Ndi nga si vhe Nało. Naa inwi ni nnyi wa u mmbudza zwine nda tea u ita? Ndi a ḥivha he nda ima hone." Zwino, arali itsho tshi si tshivhumbeo tshi pfisaho vhuṭungu, a thi ḥivhi. Huno itsho ndi tshone kokotolo tshe Mudzimu wa ino Bivhili a amba uri tshivhidzo tshi do vha khatsho, kha itsi tshikhathi tshivhi zwa zwino, kha tshikhathi tsha tshivhidzo tsha u fhedza tshine ra khou tshila khatsho.

⁴⁷ Dzhielani nzhele, fhedzi kha vhathu, "Vhanzhi vhane Nda vha funa, Ndi a vha kaidza." Zwino, arali ni tshi kaidzwa nga Murena, kha tshire na khou ita, ibvani khatsho-ha! Tutshelani kule hatsho. "Vhanzhi vhane Nda vha funa, Ndi a vha kaidza."

⁴⁸ Zwino, ri tshi vhona Mudzimu, zwino, mini-ha arali avho Vhafarisei vho vha vha tshi do ri, "Imani lwa muniti. Uyo Munna o ri nea khaedu vhukuma, O ri, 'Fhendani Maiwalo, ngauri Khao ni elekanya zwauri ni na Vhutshilo Vhu Sa Fheli; A a Ntanzielela.' Ndi khwine ndi tshi sedza murahu Maiwaloni huno nda wanulusa zwine A tea u ita, uri Ndi ene Nnyi, ndi mini zwine zwa tea u itea. Ndi tea u sedza murahu huno nda wanulusa"? Vhudzuloni ha hezwo, vho ya kha vhotshifhe huno vha vha vhudzisa, "Mini-ha nga Halo?" Ni a vhona phambano? Vha tea u vha vha vha tshi khou vhala Ipfi.

⁴⁹ Kha Vhaheberu 1:1, Bivhili yo ri, "Mudzimu, zwifhingani zwinzhi," ndi uri, "zwa kale na nga mikhwa yo fhambanaho o nwala Bivhili nga vhaporofita." Zwino dzhielani nzhele,

O ñwala Bivhili nga ndila yo nangiwaho Ya Ene muñe. Ni a vhona? Zwino, O vha a sa tei u I ñwala nga iyo ndila, nahone O vha a sa tei u tshidza muthu nga Malofha. O vha a sa tei u rera Mafhungo-madifha nga muthu; O vha a tshi nga kona u tendela duvha kana ñwedzi kana dziñaledzi u rera Mafhungo-madifha, O vha a tshi nga tendela mimuya u ñuñuna Mafhungo-madifha. Fhedzi O nanga muthu! Nahone O nanga ndila ye Ipfi Lawe la ña ngayo, huno iyo yo vha i nga vhaporofita Vhawe vhe vha vha vho tiwa nahone vho odeinelwa phanda, vhe tshipida tsha Ipfi la Mudzimu, vha tshi ñanzilela nzumbululo ya Ipfi Lawe kha itsho tshikhathi na itsho tshifhinga. “Ngauri Ipfi la Mudzimu lo ñela vhaporofita fhedzi.” Na kathihi a Li ñeli ratheolodzhi. Ntsumbedzeni Luñwalo. Li ñela fhedzi vhaporofita. Mudzimu ha koni u zwifha. Ngauralo Mudzimu o ñwala Bivhili nga ngona yo nangiwaho Yawe, na vhaporofita vho nangiwaho Vha Ene mune; hu si vhaporofita vhe muthu a vha nanga, fhedzi vhaporofita vhe Mudzimu a vha nanga.

⁵⁰ Zwenezwo vhatendi Vhayo vha sedzesu u khunyelela ha zwe muporofita wavho a amba, huno iyo ndi thaluso ya uri ndi vhone vhaporofita vha Mudzimu. Ngauri, tsha u thoma, vho hevhedzwa. Tshi tevhelaho, vha dzula kokotolo na Ipfi la awara. Zwenezwo idzo ndi ndalukanyo dzawe. Ni a vhona, ro fhira nga kha hezwo Swondaha yo fhiraho. Vhaporofita vhanzhi vha khole-khole vha ño vuwa. Huno ri ñea zwifanyiso nga ha ñdila ye uyo Biliamu na Mushe, vhothe vho doliswa Muya wonoyo muthihi, muñwe wavho a ri, “Rothe ri vhatihi. Kha ri vhe mirado, ri vhee vhananyana vhashu na vhothe fhethu huthihi. Ri na vhasidzana vha lunako nga hangeno, huno vhoinwi vhatukana ñdani hangeno huno ni ñidzhiele mufumakadzi a takadzaho. Izwo ndi zwone, rothe ri vhatu vhatihi, naho zwo ralo, lushaka lwonolwo luthihi.” Mudzimu na kathihi ho ngo vha hangwela zwone. Vho thetshelesa hezwo.

⁵¹ Ni a vhona, shango na vha—vhatu vha khou sedza iñwe ndila thukhu ya u bva, iñwe thukhu ya u fhira, iñwe thukhu ya tshikhau, fhedzi a hu na dza tshikhau kha Ipfi la Mudzimu. Hu na Pañeroni nthihi. Inwi ni fanelu u ñitshea uri ni fanele iyo Pañeroni, hu si u lingedza u tshea Pañeroni uri i ni fanele. Muñwe na muñwe u fanelu u ita hezwo. Iyo ndi yone ñdila i yothe ine Mudzimu a vha nayo ya u zwi ita.

⁵² Dzhielani nzhele zwino, vhatendi vha lindela ilo Ipfi li tshi khwathiswa. Ni a vhona, A lo ngo ñwaliwa nga muthu, fhedzi nga Murena Mudzimu, ngauralo-ha A si bugu ya muthu.

⁵³ Muñwe muthu o ri, “A tou vha mañwe mañwalo a kale a Tshihevheru.” Naa Vhahevheru vho vha tshi do ñwala luñwalo lwe lwa vha hañula? Naa ulwo lushaka lwavhudi lwa Vhayuda, lwa tshitaela tshalwo nahone lwo pholishwaho, naa lwo vha lu tshi ño ñwala vhatshinyi ha lwone luñe, lu tshi ñihañula? Zwa vhukuma hai. Lwa amba nga ha zwivhi

zwa lwone lune, nga ndila ye lwa dzhena kha u gwadamela midzimu, nga ndila ye lwa ita vhutondolo vhu hanedzanaho na Ipfi la Mudzimu? Hai, hai. Na kathihi lwo vha lu si nga ambi hezwo, ulwo lushaka lu dihudzaho.

⁵⁴ A si bugu ya muthu. Ndi Bugu ya Mudzimu. Huno muthu ane a vhona mabono kana a pfaho Ipfi la Mudzimu, na kathihi ho ngo li pfecta (zwifhinga zwinzhi) éne mune, kha tsumbo nnzhi. Ni a vhona? Muthu ho ngo rwala Bivhili. Mudzimu o rwala Bivhili. A si... A si bugu ya muthu. Ndi Bugu ya Mudzimu. Ndi mihumulo ya Mudzimu yo bviselwaho khagala nga kha milomo ya muthu. Iyo ndi yone i no I ita Bivhili. Muhumbulo wo bviselwaho khagala ndi ipfi. Huno u rangani ho vha hu Kuelekanyele kwa Mudzimu, O I bvisela khagala nga kha milomo ya vhaporofita Vhawe nahone a I khwathisa nga vhalanda Vhawe. Ni a vhona? Dzhielani nzhele.

⁵⁵ Mudzimu u ita u nanga Ha Ene mune, nga u ta, o nanga vhaporofita vha tshikhathi tshiñwe na tshiñwe. Zwi dzhieleni nzhele. U lugisa mvelo ya muporofita uri i fanele itsho tshikhathi. Ni a vhona, U fanelisa tshitaela tshawe, tshiñwe na tshiñwe tshire a ita. U a mu fanelisa naho kana o funzea kana a songo funzea. U fanelisa zwifhiwa, mukhwa une a do rera ngawo, zwifhiwa zwine a do vha nazwo. Huno Mulaedza wa itsho tshiñwe tshikhathi, Mudzimu o ta itsho tshiñwe tshithu uri tshi bvelele huno a hu na tshiñwe tshithu tshire tshi nga dzhia fethu hatsho. A hu londwi zwine tsha vha zwone, uri hu na vhukoni ho itwaho nga muthu vhunngana, a hu tshire tshi nga dzhia fethu hatsho. O ta muthu, khamus muthu a sa divhi. A nga di vha o mu tela u vha lune lushaka lwa muthu. Tshiñwe na tshiñwe tshire a vha tshore, U mu nea kilasi yawe, tshifhiwa tshawe—tshawe, u mu nea mvelo yawe, tshitaela tshawe, na tshiñwe na tshiñwe tshire tsha vha tshore, nga ndila ine a dibvisela khagala ngayo, na tshiñwe na tshiñwe tshire a ita. U ita muthu wa awara uri a fare vhatu vha awara. Ndi zwone. U a zwi ita.

⁵⁶ Magumoni a tshikhathi tshiñwe na tshiñwe, musi tshividzo tsho no rembulutshela kha shango na tshivhi, nahone tshi tshi fulufhedza thalutshedzo ya muthu ya Ipfi. Sa nga misi yothe, vhone tshifhinga tshothe, magumoni a tshikhathi, vho dzhena kha tshika ngaflo nga vhoratheolodzhi vhavho na vhotshifhe u swika tshifhinga tshothe hu u tshinyekanya. Tshifhinga tshothe thalutshedzo yavho yo khakhea, a hu na na tshifhinga na tshithihi tshe ya kundelwa u vha yo khakheaho. Huno a hu na na tshifhinga na tshithihi tshe Ipfi la Mudzimu la vhuya la kundelwa u vha li re lone. Iyo ndi yone phambano.

⁵⁷ Zwino ni a vhona, Mudzimu o rwala Bivhili, Ene mune. Zwino, Mudzimu u kona u amba. Mushe o amba zwauri O amba nae. Yeremia o ri, "O vhea Maipfi mulomoni wanga." Huno Mudzimu u a kona u rwala. O rwala milayo ya fumi nga munwe Wa Ene mune. O rwala kha mbondo dla Babele.

Nahone, elelwani, a Testamente Ndala i yothe, kazwigidi zwivhili vhaporofita vho ri, "U RALO MUREÑA!" Mudzimu u kona u amba, Mudzimu u kona u ñwala. Zwa vhukuma. Kañukuñuku phesente dza fuñahe dza Mateo, Marko, Luka, na Yohane, ndi Maipfi eneo a Mudzimu Ene muñe, Yesu Kristo a no khou amba. Ngauralo, arali Mudzimu a tshi kona u ñwala, arali Mudzimu a tshi kona u vhala, arali Mudzimu a tshi kona u amba, naa A nga si vhangale vhañwe u ita zwenezwo zwithihi? Naa Ho ngo ri kha Mushe, "Naa ndi nnyi a no ita muthu tshimuma kana a no mu nea muambo?" Mudzimu o ñwala Bivhili nga vhaporofita, ndila Yawe ya u zwi ita.

⁵⁸ Zwino tshifhinga tshothe tshine tshihidzo tsha tangana-tangana (huno Mudzimu o dzula o divha uri vha ñ do ralo, ngauri O dzula o divha zwithu zweñothe), ngauralo-ha U na muñwe muporofita Wawe o lugelaho itscho tshikhathi, u vhidza u nanga Hawe nga Ipfi lo khwañhisizedzwaho Ławé la zwiga na zwimangadzo, na u khwañhiswa ha Ipfi Ławé, "a tshi khwañhiswa Ipfi nga zwiga zwi no tevhela," sa zwe A fulufhedzisa. U ñea ñhalutshedzo ya ngoho nga murahu ha musi muporofita ene muñe o no khwañhisizedzwaha.

⁵⁹ Vhothe nga nnđa ha avho, vho nangiwaho vhe a rumelwa khavho, vha a mu vhenga. Zwino, lingululani tsumbo ñiwe na ñiwe huno ni vhone arali iyo yo luga kana hai. Avho fhedzi vhe A rumelwa khavho! "O ña kha Vha Ene muñe, huno Vha Ene muñe a vho ngo Mu tanganedza. Fhedzi vhanzhi vhe vha Mu tanganedza, vhone O vha ñea maanda a u vha vharwa vha Mudzimu." Dzhielani nzhele, hai... u lingululwa huñwe na huñwe ha Ipfi, kha tsumbo ñiwe na ñiwe, na magumoni a tshikhathi tshiñwe na tshiñwe kana vhuimoni ha nthesa kana mafhandeni, vhunga ndo rera nga hazwo zwifhinga zwinzhi.

⁶⁰ Sedzani tshikhathi tsha Noaxe, kha vhuimo ha nthesa hu sa athu ña khatulo. Naa ho bvelelani? Noaxe, ho vha hu muta wa ene muñe fhedzi we wa tenda uyo munna. Vhañwe vhothe vho mu sasaladza. Huno zwa tshinyadza shango loñe.

⁶¹ Mađuvhani a Abrahamu, ndi tshigwada fhedzi tsha Abrahamu tshe tsha tenda. Musi Vharuñwa vho ya huno vha rerela Sodoma, ndi Loto fhedzi na mufumakadzi wawe na vhananyana vhavhili vhe vha bva, huno wa musadzi a rembulutshela murahu a vha tshiunga tsha muño.

⁶² Mađuvhani a Mushe, ndi vhanangiwa fhedzi vha Israele vhe vha bva. Huno Farao o mu vhenga.

⁶³ Mađuvhani a Eliya, tshiñwe na tshiñwe (kañukuñuku) nga nnđa ha vhanna vha zwigidi zwa sumbe, muñwe na muñwe wavho o mu vhenga, lushaka lwothe.

⁶⁴ Mađuvhani a Yeremia, mulandu, vho mu posa mutshelo u songo vhibvaho, huno vha mu vhidza wa vhusweleli ho

kalulaho, ngauri o edela nga lurumbu lwawe mađuvha manzhi nga maanda, na luriwe lurumbu, huno—huno a dzhia zwithu huno a ita zwiga. Vho mu vhenga.

⁶⁵ Muporofita Yesaya, o haṭula ulwo lushaka nga maanda u swika vha tshi mu saha a bva zwipiđa zwivhili nga saha. Ndi zwone.

⁶⁶ Yohane Mulovhedzi. “O vha e munna wa vhuhali henengei fhasi, muniwe muthu wa khakhathi a zhambaho.”

Vhothe nga nnđa—nga nnđa ha avho vhafunziwa vhe a vha ḡekedza kha Yesu Kristo sa tshivhidzo! Ngetsho. Yohane o ita uri vhathu vha dilugise. Naa o vha e na vhanngana? No vha ni tshi nga vha vhala kha minwe yothe... zwanda zweithe, minwe yanu, uri ndi vhanngana vhe Yohane a vha ḡekedza kha Yesu musi A tshi da. Zwino, mini-ha nga ha U Da Hawe lwa vhuvhili? Zwi elekanyeni.

⁶⁷ Fhedzi musi vhatendi vha ngoho vha Bivhili vha tshi vhona Ipfi li tshi khwāthisedzwa zwi khagala nga maanda u itela tshikhathi, vha a tenda. A hu na ndila ya u vha thivhēla Khalo, u Li tenda. Vha vhuya vha shatela vhūtanzi havho nga malofha avho. Vha a Li tenda. Lone-ha lo rumelwa khavho, vho tiwaho, ilo u itela itsho tshiñwe tshikhathi tshi no vhona na u tenda.

⁶⁸ Vhaiñe a vha tou kona u Li vhona; vho pofudzwa. Zwino, inwi ni ri, “A vha koni u Li vhona.” Zwino, vhunga Biliamu, ndi ngani Biliamu o kundelwa u vhona Heło? O vha e muporofita, o doliswa. Ndi ngani Farao o kundelwa u Li vhona? Musi o vhona tshanđa tsha Mudzimu tshi tsela fhasi huno tsha shuma mađembe ngomu heneffo, tsho tou kondisa fhedzi mbilu yawe. Naa izwo ndi zwone? Ndi ngani Dathani o kundelwa u Li vhona, Muyuda ene muñe? Heneffo nnđa afho, u da nga kha Lwanzhe Lwo Faho, huno a ja mana vhusiku vhuriwe na vhuriwe, ye ya wa i miswa, huno a di kundelwa u Li vhona. Ndi ngani Kora a songo Li vhona? Ndi ngani Kayafa a songo Li vhona? O vha e thoho munna wa vhurereli wa shango nga itsho tshifhinga. Ndi ngani a songo zwi vhona uri uyo o vha e Mesia? Ndi ngani Yudas a songo Li vhona? Yudas o vha e heneffo navho, a tshi khou tshimbila navho, a tshi khou shuma mađembe navho. Fhedzi Ipfi lo do tea u khunyelela. Bivhili i ri vho vuselwa uri vha dzhie afho fhethu. Vho vuselwa iyo ndivho. Iyo ndi ngoho. Vharoma 8 i amba hezwo.

⁶⁹ Zwino vhatendi vha a kona u vhona uri Ipfi li khou itwa ḡama kha murafho wavho, Mudzimu a tshi khou amba. Zwino, avho vhatendi vha ngoho zwa vhukuma, avho vha zwigidi zwa sumbe (kana ho vha hu mađana a sumbe?) mađuvhani a Eliya. Zwigidi zwa sumbe ndi zwone. Mađuvhani a Eliya, ho vha hu na vhanna vha zwigidi zwa sumbe kha vha no todou swika milioni mbili kana tharu, vhe vha vhona uri Ilo lo vha li lone. Ho vha hu si tshadana tsha vhathu, na luthihi. Fhedzi vho Li vhona uri ndi lone.

Vho vhona Mudzimu o vhonadzwa. Iyo tshilikadzi ya kale ye Elisha a ruňwa khayo, yo ya ya wana uvho vhūtasana, u ita khekhe, huno yo eđanaho fhedzi u itela ene khekhe na murwa wawe, huno zwenezwo vha fa. Fhedzi sedzani Eliya, o ri, "Nnyitele ińwe, u thoma. Ngauri, U RALO MURENA, mvuvhelo i nga si kundelwe nahone na khali i nga si xe u swika duvha line Murena Mudzimu a rumela mvula kha liphasi." A hu na mbudziso, a tuwa henefho a ya u ita khekhe huno a mu ńea yone. Ha pfi, "Ita yanga u thoma, huno zwenezwo u ye u itele iwe ińwe na murwa wau." Ngauri, o pfa uyo munna, huno a mu sedza; o vha e mbeu yo tiwaho.

⁷⁰ Vhanzhi vhavho vha ri, "Ngoyo uyo munna wa mbiti wa kale hafhu. Mudzimu o ri sema nga n̄hani hawé," elelwani, Eliya. Ha pfi, "Iwe u uyo ane a khou lemedza Israele."

⁷¹ A ri, "Iwe u uyo we a lemedza Israele." Ni a vhona we Mudzimu... Naa O vha a tshi khou khwāthisedza Ipfi ḥa Nnyi? Ipfi ḥa Ene muńe.

⁷² Zwino Bivhili i ri vho vuselwa iyi ndivho, fhedzi musi... mu—mutendi. Fhedzi zwino musi mutendi wa ngoho a tshi kona u vhona Ipfi ḥa itsho tshikhathi li tshi itwa ńama, Mudzimu a tshi khou amba nga kha milomo ya muthu nahone zwenezwo a tshi khou ita kokotolo zwe A amba uri U do zwi ita, izwo zwi a li ladza!

⁷³ Zwino sedzani zwińwe zwazwo. Ni songo sedza zwiga. Arali ni tshi sedza zwiga, ni do fhuriwa lwa ngoho sa shango. Vhaporofita vha khole-khole vha do vuwa huno vha sumbedza zwiga na mađembe a no do fhura vhanangiwa arali zwo vha zwi tshi konadzea. Sedzani Ipfi. Sedzani avha vhotshifhe, avha vhaporofita, muporofita wa Muhevheru o ima henefho. Tsedekia e na ńanga mbili khulukhulu, nahone a tshi khou ri, "Ndi nne muporofita-o-odeiniwaho wa Mudzimu." Ndi ngoho. "Ndi na vha ḫararu na fuṭaheṭahe henehafha na nne, huno Muya Mukhethwa u kha rińe, u khou khwathisa na u amba uri ilo shango ndi ḫashu. Kha ri gonye ri li dzhie. Huno nga idzi ńanga, Ahaba, u do sukumedzela swina kule na mavu ashu, ngauri Mudzimu o ri ńea mavu."

⁷⁴ Sedzesani uyo munna wa vhurereli, munna wavhudzi, Jehosafati, a tshi ri, "Naa a ni tshe na muńwe o engedzeaho?"

⁷⁵ "Muńwe o engedzeaho? Hu na vha mađana mańa vha re na thendelano!" A ri, "Ee, hu na muńwe o engedzeaho u mona hafha, fhedzi ndi a mu vhenga." Ha pfi, "Ene tshifhinga tshothe u a ri hambekanya rothe nahone a tshi ri vhudza uri ri vhaitazivhi vhahulwane zwingafhani, na tshińwe na tshińwe." Ndi ri, "Ndi a mu vhenga! Ene, ndi Mika, murwa wa Yimila."

⁷⁶ A ri, "Oo, ni songo tendela khosi u amba nga u ralo. Iyani ni mu wane huno ri pfe zwe a amba."

⁷⁷ Ngauralo vha mu isa heneffo fhasi. A ri, “N̄neeni madekwana a ɻamusi huno ndi ḋo vhona zwine Murena a amba nga hazwo.”

⁷⁸ Ahaba a ri, “Ndi a ni laya, ni songo mmbudza tshithu nga nn̄da ha ngoho.”

⁷⁹ Huno munna a ḋa, a ri, “Zwino, arali ni tshi ṭoda u humela murahu nga vhutama havhud̄i, itonu amba vhunga vhañwe vhoṭhe.”

Mika a ri, “Ndi ḋo tou amba zwine Mudzimu a amba.” Ni a vhona?

⁸⁰ Nga matsheloni a tevhelaho, vha bva. Khosi dza ambara n̄guvho dzadzo, dza dzula khoroni, vhoṭhe vha ḋivheaho. Muporofita o ima heneffo. Ha pfi, “Zwino, wa vhusweleli ho kalulaho, naa ni ri mini nga hazwo?”

⁸¹ Ha pfi, “Gonyani n̄tha.” Ha pfi, “Fhedzi ndo vhona Israele yo balangana vhunga nngu dzi si na mulisa.”

⁸² A mu bamu....a dzhia tshanda tshawe huno a mu bamudza mulomoni. Muporofita a bamudza muporofita mulomoni. Zwino, avho vhaporofita vhoṭhe vho ḋoliswaho vho ima heneffo, vha porofita, vha mađana maña vha hanedzanaho na muthihi, izwo zwo vhonala zwo khwaṭha nga maanda. Zwino, kha vhunzhi ha ngeletshedzo a ḫu na tsireledzo tshifhinga tshoṭhe. Zwi ya na nga hune vha...zwine vha khou eletshedza nga hazwo, zwine ngeletshedzo yavho ya vha zwone. Ho vha hu si na tsireledzo afho kha khosi, huno ya dzhia uho vhunzhi uri u eletshedza havho ndi hone. Fhedzi arali o vha o tou ima huno a humisela murahu tshikurolo huno a sedza zwe Eliya a vha a tshi kha ḋi bva u zwi amba.

⁸³ Zwenezwo, Mika o kundelwa u amba tshiñwe tshithu, ho ngo zwi ḋivha, musi khamusi Mudzimu o mu hangwela zwone. Fhedzi tsha u thoma, e muporofita, o ya kha Mudzimu u wanulusa zwe Mudzimu a amba. Huno o wanulusa zwe Mudzimu a amba. A ri, “Ndo vhona Mudzimu o dzula kha khuluñoni, huno A ri....o vha e na vhaeletshedzi Vhawe vhoṭhe vha Tađulu vho Mu kuvhanganelaho, ha pfi, ‘Naa ndi nnyi ane Ri nga mu wana wa u tsela fhasi huno a vhangela Ahaba u bva hafha, ngauralo Rine nga iñwe ndila ri nga khunyeledza vhuporofita ho itwaho nga ha ene?’”

⁸⁴ Ni a vhona, vhuporofita, Eliya o vha o no ḋi amba, “Mmbwa dzi ḋo ɻanzwa malofha au.”

⁸⁵ Huno ngauralo a ri o “vhona maya wa u zwifha u tshi ya n̄tha u tshi bva fhasi, wa ḋa n̄tha, wa ḋa n̄tha phanda Hawe, ha pfi, ‘Ndi ḋo tsela fhasi huno nda dzhena kha vhaporofita vhawé, vhaporofita vha Ahaba, huno a vha vhangela u porofita mazwifhi.’”

⁸⁶ Zwino, Mudzimu o zwi ḋivha zwauri avho vhanna vho vha vha tshi ḋihudza nahone vho ḋala theolodzhi nga maand̄a

lwe vha elekanya uri vho vha vhe na tshiñwe na tshiñwe tshi re tshone. Na kathihi vho vha vha songo dzhiela nzhele Ipfi la awara. Ngauralo Mudzimu o ri, “U do bvelela; tsela phasi.” Huno musi Mika o amba izwo, izwo zwe vha ita uri vha porofite vhe phasi ha maya muvh. Vho vha vha tshi do tomola pulaga kha luñingo, kana vha dzima radio, kana vha ita tshiñwe tshithu; vho pfa Ilo li daho li tshi hanedzana navho, vha takuwa huno vha bva. Fhedzi sedzani zwe zwa bvelela. Zwino, Mika o do tea u ñola bono lawe nga Ipfi lo ñwaliwaho, ngauralo-ha o zwi ñivha.

⁸⁷ A ri, “Musi ndi tshi da...Pangani uyo munna ngomu dzhele, mu ñeeni madi a vhutungu na tshinnkwa tsha vhutungu. Musi ndi tshi vhuya, ndi do shumana nae.”

⁸⁸ A ri, “Arali na vhuya murahu, Mudzimu ho ngo amba na nne na kathihi.” Izwo ndi musi a tshi zwi ñivha uri bono lawe li kokotolo na Ipfi linwe na linwe la iyo awara. Tsho vha tshi tshifhinga tsha Ahaba.

⁸⁹ Mukomana, khaladzi, iyi ndi awara na tshifhinga tsha u vhidzela nda ha Babele. Zwedza zwa nga madekwana zwi fhano. Tshimbilani Tshedzani musi hu tshi kha di vha tshedza. Dzhielani nzhele, vhatendi vho vhona Ipfi li tshi vhonadzwa huno vha Li tenda. Yesu o ri, “Nngu Dzanga dzi ñivha Ipfi Langa, Ipfi Langa, zwiga Zwanga zwa tshikhathi. Wa khole-khole a dzi nga mu tevheli.”

⁹⁰ Zwino kha ri ye kha linwalwa ñashu, ngauri ndi a zwi vhona uri ndi khou do tuwa. Ndi ñoda u ombedzela kha uyo muduba wa thabelo nga maanda. Kha ri humele murahu kha linwalwa zwino line ra khou li sedzulusa, hafha lwa muniti. Zwe luga, zwi do bvelela hafhu vhunga tshifhinga tshothe zwe ita, sa nga misi.

⁹¹ Mudzimu o rumela muporofita Wawe, Yohane, vhunga Ipfi Lawe lo amba, lo fulufhedzisa kha Maleaxi 3, “Vhonani, Ndi ruma mudinda Wanga phanda Hanga, u lugisa ndila.” Yohane o tanzielela zwenezwo zwithihi. Huno nahone ri a wanulusa, kha Yesaya 40:3, uri Yesaya o amba, “Hu do vha na ipfi la muporofita, uyo a no khou huwelela sogani, ‘Lugisani ndila ya Murena.’” Ni a vhona? Zwiporofito izwo zwothe! Huno—huno sedzani, dzhielani nzhele nga u ñavhanya, Luhwalo lwo mu ñalusa.

Musi vha tshi ri, “Naa u nnyi? Naa u Mesia?”

A ri, “Nne a thi ene.”

“Naa u Yeremia? Vhaporofita, kana muñwe wawho?”

⁹² A ri, “Nne a thi ene. Fhedzi nne ndi ipfi la uyo a no huwelela sogani, vhunga muporofita Yesaya a tshi amba.”

⁹³ Naa ni elekanya uri izwo vha do zwi tenda? Hai, muñwe wanga. Ndi ngani? Ho ngo da nga kha tshihidzo tshavho. O vha e si wa tshavho...Ni a vhona, o dzhena sogani e na miñwaha ya ñahe, huno a bva e na ya furaru. Mulaedza wawe

wo vha u muhulwanesa uri u nga bva nga kha tshikolo tsha theolodzhi; o vha e uyo wa u do divhadza ene—ene Mesia. Huno muñwe na muñwe u do vha a tshi khou mu kokodza thungo *iyo* na thungo *iyo*. Huno Mudzimu o mu ruma sogani, nga murahu ha lufu lwa khotsi awe, Sakaria. Huno o vha e tshifhe, fhedzi ho ngo tevhela lutsinga lwa khotsi awe.

⁹⁴ Ngauri, vhaporofita a vha bvi kha zwithu zwo raloho zwi no nga hezwo. Vha bva kha mashango a hwasaho, sogani. A hu na muthu a no divha hune vha bva hone, kana uri vha takuwa hani vhuponi, kana iñwe ya divhazwakale-vho yavho. Vha tou bva heneffo nda huno vha rera Ipfi, huno Mudzimu u a vha dzhia, huno vha ḥutshela kule; a ḥatula uyo muraffo, huno a sudzulutshela ngomu ha Ipfi Ławé, o lindela ḫuvha ḥihulwane.

⁹⁵ Tshivhidzo a tsho ngo mu tenda, ngauri o vha a sa divhiwi ngavho. Vho vha vha si na rekhodo ya u odeiniwa hawe kha bugu dzavho, ngauralo vho mu hana. Ni a vhona, a vho ngo tenda Ipfi la Mudzimu lo khwañhisizedzwaho, li khagala, ledere nga ledere. Ni a vhona? Maleaxi 3, Mañwalo mavhili a u mu khwañhisizedza, Maleaxi 3 na Yesaya 40:3. Ni a vhona, ayo Maiwalo othe o amba nga ha munna a no khou da, a tshi khou lugisa ndila ya Murena. O khunyeledza vhunzani vhuiñe na vhuiñe hazwo.

⁹⁶ O vha a tshi khou do vha muporofita. “Ndi do ni rumela Elisha.” Huno a vha e heneffo, nga ndila iñwe na iñwe i hwasaho. Sedzesani ndila ye mvelo yaye ya dzhenelela kha Eliya. Eliya o vha e munna wa sogani, na Yohane o vha o ralo; vha nda. O vha e si munna mutete, o vha e munna a hwasaho.

⁹⁷ Dzhielani nzhele hafhu, Eliya o vha e muvhengi wa vhasadzi, o vhudza Jesebele nga ha pennde yaye yothe, na hune a tea u namela na u tsa hone. Na Yohane o vha o ralo. Jesebele o lingedza u vhulaha Eliya, a ana nga midzimu yaye uri u do ḥusa ḥohoh yaye khae. Na Herodia o ralo. Ni a vhona?

⁹⁸ Tshifhinga tshothe sedzesani mulaedza wavho, sedzesani zwe vha ita. Zwino ri a wanulusa uri arali vho vha vha tshi do vha vho sedza murahu huno vha vhona zwe Bivhili ya amba, huno vha sedzesi mvelo ya munna na uri o vha o fhelela hani kha tshifhinga na Mañwalo na tshiñwe na tshiñwe, vho vha vho tea vho zwi divha uri uyo o vha e ene. Vha no ḥodou swika hafu dazeni vho zwi divha. Izwo ndi zwone. A si vha re nga ntha ha hafu dazeni vho zwi limuwaho. Vho ya u mu pfa, fhedzi a vho ngo Li tenda. Ni a vhona? Ndi ngani? A vho ngo tenda u taluswa ha vhuporofita nga awara yavho.

⁹⁹ Dzhielani nzhele, vho mu sea, vha tshi mu vhidza muñwe “a zhambaho, wa vhuhali, a songo gudiswaho wa vhusweleli ho kalulaho a songo dzhenaho tshikolo, ‘irwani, a si yone, hwalani, hwalani, dzhiani,’ na mañwe-vho.” Sa nga misi vha mu ḥatula nga pfunzo yaye. Vha mu ḥatula nga girama yaye, nga ndila ye a vha a tshi ambara ngayo. O vha e na

tshipida tsha mukumba wa nngu o tshi kanyelaho, na bannda la mukumba wa gamela, e na mavhudzi hothe. A tshi tshimbila nn̄da madini; hu si na kereke, hu si na bannga, hu si na tshumisano; vho kundelwa u zwi t̄anganedza hezwo; vho vha vha tshi luvha mudzimu wa shango. Ni a vhona?

¹⁰⁰ A thi khou amba u ri zwino a hu na vhaporofita vha khole-khole vha no bva, vhunga Yamburesi na Yannesi. Fhedzi ndila ine na ḥoda u ita, ndi u ḥola mulaedza wa vhubvo nga Ipfi, zwenezwo no u wana; tshikhathi tshine wa vha khatsho, na zwe zwa porofitelwa itsho tshikhathi.

¹⁰¹ Zwenezwo vhuporofita ha Yohane ho khwathisedzwa nga nzudzanyo ya Mudzimu Ene mune. Sedzesani uri ndi yo fhelelaho hani. Bivhili yo amba, “Ipfi la Murena li dela muporofita.” Huno Yesu o vha e Ipfi. Huno Yohane o vha a tshi khou porofita nga ha u da ha Ipfi u itela khunyeledzo; huno Yesu, Ipfi, o da kha muporofita, madini. Oo, zwo naka hani nandi! Nga ndila ine zwa sa kundelwe... Ni a vhona? Ipfi lo vha li tshithu tshi shaeaho nga ilo ḫuvha. Hafha hu da muporofita, a tshi ri, “Ndi nne ipfi la Ipfi.”

Vha ri, “Naa ri fanela u itani?”

¹⁰² Ha pfi, “Nne a tho ngo fanela u vhopholola zwienda Zwawe. Fhedzi hu na Muñwe o imaho vhukati hanu, huriwe fhethu, U do vha Ene a no do ni lovhedza nga Muya Mukhethwa na Mulilo. Luselo Lwawe lu tshandani Tshawe, huno U do swiela luvhata Lwawe nga hothe, huno a fhisa mungu nga mulilo u sa dzimi, a isa thoro duluni.” Oo, ndi muporofita-de nandi! Yesu o ri na kathihi a hu athu vha na munna o bebwaho nga musadzi a re muhulwane sa ene, u swika nga ilo ḫuvha. Oo, nga ndila ye a vha a sa ofhi ngayo! Nga ndila ye a vha a tshi divha he a vha o ima hone! O divha kokotolo. O pfa zwi bvaho ha Mudzimu, huno zwo vha zwi kokotolo na Ipfi, ngauralo ho ngo londa zwe vhathu vha amba. O Li rera nahone a Li porofita, naho zwo ralo. Huno sedzesani, musi munna a tshi imela zwine zwa vha Ngoho, zwenezwo Mudzimu u a kombetshedzea u khwathisedza uyo munna Ngoho.

¹⁰³ Musi Mushe a tshi tsela heneffo kha la Egipita, huno a ri, “Ndo vha ndi sogani hangei, huno ndo vhona muri u tshi duga mulilo, huno u sa swi. Nda ya kha uyo muri, huno, musi ndo ralo, ho vha hu na Khavhu ya Mulilo khulwane yo nembelelaho ngomu heneffo. Huno Ipfi la ri, ‘NDI NNE UYO A RE HONE.’ Huno A mmbudza uri ndi dzhie ulu lubada huno ndi tsele hafha fhasi huno ndi shume aya madembe, huno Mudzimu u do khwathisedza Ipfi Lawe.” A ḫaramudza lubada lwawe, ha da madzedze na dzithunzi, na swiswi na zwinwe-vho. Huno zwenezwo u khwathisedza uyo muporofita, O disa avho vhatendi heneffo murahu kha thavha, huno

Mudzimu a tsela fhasi nga Khavhu ya Mulilo yeneyo nthihi, heneffo kha yeneyo thavha nthihi, huno a sumbedza uri izwo zwe vha zwi zwone.

Zwino sedzani zwe A ita nga lino ḫuvha. Kokotolo.

¹⁰⁴ Zwino, Ipfi li da kha muporofita huno la mu khwaṭhisēdza uri ndi ene muthu wa ngoho, muthu onoyo we Maṇwalo a ri u do vha nga u ralo. Nga u ṭavhanya zwino. Fhedzi, hafhu, Yesu o dzhena nga tshivhumbeo tsho fhambanaho na thalutshedzo yavho yo itwaho nga muthu ya vhuporofita. Muthu o talutshedza zwine zwa ḫo vha zwone. Zwa vhukuma. Vhapuresbiterieni vha elekanya uri hu tea u vha vhone. Sedzesani musi Mudzimu a tshi ita tshiñwe tshithu, sedzesani liñwe dzangano-vho li tshi vuwa na liñwe. Iina, tshifhinga tshoṭhe zwe vha nga iyo ndila. Vha na Yamburesi na Yannesi huiwe na huiwe. Dzhielani nzhele, vho amba tshipiḍa tsha Ipfi. Fhedzi, u ya nga Ipfi la muporofita, Ḫedere inwe na inwe!

¹⁰⁵ Vho balelwa u zwi vhone hafhu, sa nga misi, vha Mu vhidza mudzia-u-bvumba, “diabolo; Belesebulu,” huno ha pfi O Diita Mudzimu, ngeno vha tshi tea u vha vho zwi ḫivha, nga Bivhili yeneyo yavho, zwauri O vha e Mudzimu.

Dzhielani nzhele, O porofitiwa nga Yesaya, Yesaya 9:6, ha pfi, “Dzina Ḫawe li do vhidzwa Mudzimu wa Maanda, Khotsi wa Lini na Lini.” A hu khou yo vha na vhotokhotsi vho engedzeaho nga murahu ha uyo, ngauri O vha Khotsi wa u thoma u rangani, Ndi ene Khotsi e ḫeṭhe; ho pfi, “Ni songo vhidza muñwe munna-vho wa lino liphasi, ‘Khotsi,’ muñwe, nga murahu ha hezwo.” “Ndi ene—Mudzimu wa Maanda, na Khotsi wa Lini na Lini, Mueletshedzi, Mukololo wa Mulalo.” Zwa vhukuma.

¹⁰⁶ Zwino, vho Mu ita zwe vhaporofita vhothe vha funa uri vha do ita, u tou fana na zwine vha khou ita kha itshi Tshikhathi tsha Laodikea tshenetschi, vha Mu vhea nn̄da ha tshivhidzo. “Vho pofula, vha fhedzi, huno a vha zwi ḫivhi.” Zwenezwo zwe muporofita a amba, muporofita wa Bivhili. Vho pofudzwa nga maitele a muthu, vha Mu vhea nn̄da, Ipfi nga nn̄da ha zwivhidzo zwavho, sa nga misi, vhunga ho porofitiwa nga havho.

¹⁰⁷ Dzhielani nzhele zwino, nga u ṭavhanya zwino. Ni songo zwi pfela thungo izwi zwino. Ngeli liñwalwa, ndila ye Yesu a Didivhadza ngayo kha avha vhabunziwa vhavhili uri O vha e Mesia wavho! Zwino, maṭo othe thungo iyi. Huno nn̄da shangoni, ni songo zwi pfela thungo izwi zwino. Ro lingedza u ni vhudza uri Bivhili ndi Ipfi la Mudzimu, yo ḫwaliwaho nga Mudzimu Ene muñe, nga kha milomo na tshishumiswa tsha muthu. Mudzimu u kona u ḫwala, Ene muñe. Mudzimu u kona u amba, Ene muñe. Mudzimu u kona u ita zwine A ḫoda, fhedzi O nanga muthu uri a zwi ite ngauri muthu we a Li ḫwala ndi tshipiḍa tsha Mudzimu. Ngauralo, Mudzimu o ḫwala Bivhili. Vhanna a vho ngo vhuya vha ḫivha zwe vha vha tshi khou

ñwala, kha kuelekanye kwa vhumuthu kwa vhone vhañe. Vha nga di si tendelane Nalo, fhedzi vho Li ñwala. Vho kundelwa. Bivhili yo ri, "Vhanna vha kale, musi vho hwalwa nga Muya Mukhethwa!" Mudzimu o sudzulusa zwanda zwavho, o sudzulusa mañ avho mabononi. A vho ngo kona u amba tshithu nga nnda ha zwe vha vha vho zwi sedza. A vho ngo kona u amba tshithu, ngauri O vha e na ndango nga vhudalo ya lulimi, munwe, murado muñwe na muñwe wa muvhili wo vha u tshi langea nga vhudalo nga Mudzimu. A zwi mangadzi Bivhili yo amba zwauri vho vha vhe midzimu, vho vha vhe tshipida tsha Mudzimu! O vha e Mudzimu nga vhudalo.

¹⁰⁸ Dzhielani nzhele nga ndila ye Yesu, Ipfi, a ita uri avha vhafunziwa vhavhili vho kwashukanaho dzimbiyu vha zwi ñivhe zwauri O vha e Mesia wavho, Mesia, Ipfi lo fulufhedszwaho. Dzhielani nzhele zwe A ita, O talutshedza nga vhaporofita. Dzhielani nzhele, "Matsilu, vha dzithotho kha u tenda zwe ñivhe zwo vhaporofita vha ñwala." Zwino, na kathihi Ho ngo ri, "Zwo luga, mini, naa tshivhidzo tshi ri mini nga hazwo?"

¹⁰⁹ Vha Mu ñea nganea. Vho ñivha zwiwo zwe ñivhe zwo bvelelaho. Vho ñivhe vha vho tungufhala. Vha thoma u Mu vhudza, "Naa Ú tou vha mutsinda fhano, kana A u zwi ñivhi zwo bvelelaho ngei Yerusalem?"

¹¹⁰ A ri, "Naa ndi zwithu zwifhio?" vhunga O vha a sa zwi ñivhi. Ni a vhona, U ita zwithu nga tshiñwe tshifhinga u vhona fhedzi zwine na do ita nga hazwo. Ni a vhona? Ha pfi, "Naa ndi zwithu zwifhio? Naa ho vha hu nnyi? Naa ho bvelelani?"

¹¹¹ "Naa Iwe u tou vha mutsinda?" Huno vho vha vha tshi khou amba henehfo na Munna we vha tshila nae lwa miñwaha miraru na hafu, huno vha si Mu ñivhe.

"Naa ndi zwithu zwifhio? Naa ho bvelelani?"

¹¹² "Zwo ralo," vha ri, "Yesu wa Nazaretha, we a vha e Muporofita. A hu na u timatima thalukanyoni dzashu. O vha e wa maanda kha Ipfi na nyito phanda ha vhatu vho ñivhe. Ro Mu vhona a tshi ita zwithu zwe A taluswa sa Muporofita wa Mudzimu wa tshino tshikhathi. Ri a zwi ñivha hezwo. Huno ro tenda zwauri U ño vha Murengululi, uri U ño rengulula Israele."

¹¹³ Zwenezwo U a rembuluwa huno a ri, "Vhoinwi matsilu, vhadzia-mbilu dza dzithotho u tenda uri zwe ñivhe vhaporofita vha amba nga Hae a zwi nga ño khunyelela?" Ni a vhona? Inwi Mu sedzeseni zwino a tshi humela murahu kha vhaporofita. Ndi u kaidzwa-de kha vhatendi, vho amba zwauri vho Mu tenda!

¹¹⁴ Dzhielani nzhele ndila ye A dzhena kha thoho. Na kathihi Ho ngo bva henehfo huno a ri, "Ndi nne Mesia wanu." O vha a tshi ño vha o kona u zwi ita, ngauri O vha e ene. Fhedzi dzhielani nzhele O ñitalusa kha Ipfi, zwenezwo vho vha vha tshi ño zwi

divha. Arali O vha a tshi ḍo vha o zwi amba, O vha a tshi ḍo vha ḍo kona u zwi amba hezwo huno zwe vha zwi tshi ḍo vha zwi songo vha nga u ralo; fhedzi musi O ya huno a thoma u amba nga ha zwe vhaporofita vhothe vha amba nga Hae, nahone vho zwi vhona, zwenezwo vho vha vha tshi nga kona u ḋivhudza, arali vho vha vhe vhana vha Mudzimu. Fhedzi a ita uri vha dzhiele tshenzhemo kha zwe vhaporofita vha vha vho no zwi bvumba nahone vho amba uri zwi sedziwe nga tshifthinga tshire Mesia, tshikhathi Tshawe, a ḍo vhonadzwa. Ene, vhunga Yohane, u tendela Ipfi, Bivhili, i tshi ṭalusa Mulaedza wawe. Muporofita muṇwe na muṇwe-who wa ngoho u ḍo zwi ita. Iina. Ho ngo bva huno a ri, “Ndi nne Ene. Ndi nne...” Uyo a si muporofita wa ngoho wa Mudzimu. Ni a vhona? Fhedzi O amba, “Humelani murahu Maṇwaloni.” Ni a vhona, na kathihi Ha kundelwi kha ndila Yawe ya u zwi ita. Ni a vhona?

A ri, “Ri ḋivha Mushe.”

¹¹⁵ A ri, “Arali no vha no ḋivha Mushe, no vha ni tshi ḍo Nndivha.” A ri, “Mushe o ḥwala nga ha Nnē.” Ha pfi, “Fhendāni Luṇwalo, Khalwo inwi ni elekanya zwauri ni na Vhutshilo Vhu Sa Fheli, huno Luṇwalo ndi lune lwa Nṭanzielela. Iyani huno ni sedze Luṇwaloni huno ni zwi vhone.”

¹¹⁶ Hafha Ha shandukisi ndila Yawe ya u zwi ita na kathihi, na kathihi a yo ngo shanduka. Na kathihi Ha koni u shanduka, ngauri Ndi ene Mudzimu a sa shanduki. Ni a vhona? Dzhielani nzhele O humela heneffo murahu kha avha vhafunziwa vhavhili, Kleopa na khonani yawe, ndilani ya u ya Emausi, huno a amba, a vha ṭalutshedza nga Maṇwalo, a ri, “Ndi ngani no tsilufhala nga maanda u sa tenda uri Ipfi ḥinwe na ḥinwe le vhaporofita vha ḥwala malugana na Mesia li ḍo tea u khunyelela?” Oo, ndi duvha-de nandi!

¹¹⁷ Yohane o ita zwenezwo zwithihi. “Fhendāni Maṇwalo, sedzani murahu, ho pfi hu ḍo vha na ‘ipfi la muṇwe a no huwelela sogani.’ Naa ndo bva ndi ngafhi?” Ni a vhona? Izwo ndi zwone, izwo zwe vha zwe tea u zwi vhea khagala khavho. Ndi zwone!

¹¹⁸ Tshi tea u zwi vhea khagala ḥamusi, tshithu tshire ra tshi vhona Muya Mukhethwa a tshi khou tshi ita. O vhuya a ri, “Fhendāni Maṇwalo.” Huno riṇe... U ḫoda riṇe ri tshi zwi ita ḥamusi.

¹¹⁹ Dzhielani nzhele, U thoma nga vhaporofita ha Mushe, Bivhili yo amba, “Ene, a thoma nga Mushe na vhaporofita vhothe,” fhedzi O thoma nga Mushe. “Muporofita,” o amba Mushe, “Murena Mudzimu wanu u ḍo mu vusa vhukati ha vhoinwi vhathu, vhukati ha vhathu. Murena Mudzimu u ḍo vusa Muporofita.”

¹²⁰ Zwino A nga ḫi vha o ri, “Kleopa, na khonani yau hafha, naa Mushe ho ngo amba zwauri mađuvhani aya Murena

Mudzimu u do vusa Muporofita? Huno uyu Munna we vha mu vhamba, naa O swikéléla iyo ndalukanyo? Zwino, Mushe o porofita izwi. Huno zwino a no ngo vha na muporofita lwa miñwaha ya mađana na mađana, huno hafha uyu Munna o vuwa. Huno naa mu-ranga-phanđa wa uyu Munna o vha e ufhio, naa no amba?" Ni a zwi pfesesa? Huno zwothe zwe vhaporofita vha amba nga Hae, zwa tshikhathi Tshawe, O amba navho. Ngoho zwi do vha zwo takadza u Mu thetshelesa. Naa no vha ni si nga takaleli u Mu pfa? Ndi do takalela u vha ndo Mu pfa, u Mu pfa, zwe A amba zwe vhaporofita vha amba nga ha Ene muñe, fhedzi na kathihi Ho ngo ri ho vha hu Ene. O tou vha sumbedza nga vhuporofita. O tou ri, "Muporofita o ri izwi zwi do bvelela." Ni a vhoná?

¹²¹ Kha ri tou humela murahu lwa miniti i si gathi, huno zwino kha ri thetshelese Maipfi o redzwaho a tshi bva kha Ene muñe. Sedzesani hafha, Ipfi Lone line li tshi redza Ipfi la Ene muñe. Ipfi Lone line li tshi redza Ipfi la Ene muñe. Ho ngo vha vhudza zwauri O vha e onoyo, fhedzi o tou tendela Ipfi uri li Diambele, zwenezwo vha divha uri O vha e Nyi. Ledere la Ipfi, li tshi redza Ipfi kha... Ipfi namani, li tshi redza Ipfi la ledere, lo taluswa nga vhudalo na Ene mune. Sedzani hafha, zwino kha ri Mu thetshelese a tshi redza. Hani... Zwino, ri a zwi divha zwauri roþe ro vhudziwa nga u pfufhifhadza nga ha zwiwo zwa nga murahu, izwo ndi, zwa u vhambiwa na zwa nganea ya mvuwo, vhidá, vhunga ri tshi kha di bva u vhala. Zwino U livha thwii kha Ipfi la vhuporofita nga ha Ene muñe. Zwino kha ri tou elekanya zwauri O amba izwi; O amba zwinzhi zwo engedzeaho u fhira izwi, fhedzi sedzesani.

¹²² Kha ri ri Ene... ipfani Ene a tshi ri, "Iyani kha Sakaria 11:12. Huno Mesia o vha e si wa u do rengiswa, u ya nga muporofita, nga maseþha a furaru? Inwi ni kha di bva u amba zwauri uyu Munna o rengiswa nga maseþha a furaru. Iyani kha..." Ni a a wana ayo Mañwalo? Sakaria 11:12. Huno zwenezwo A ri, "Naa no dzhieila nzhele zwe Dafita a amba kha Dziphisalema, Phisalema 41:9? O vha a tshi do fhetiwa nga khonani Dzawe. Huno zwenezwo hafhu, kha Sakaria 13:7, O furalelwa nga vhafunziwa Vhawe. Huno kha Phisalema 35:11, a pomokwa nga thanzi dza khole-khole. No tou amba zwauri O vha o ralo. Yesaya 53:7, O vha e tshimuma phanda ha vhahweleli Vhawe. Yesaya 50:6, vho Mu rwa, muporofita o amba. Phisalema 22, O vha a tshi khou do lila kha tshifhambano, 'Mudzimu Wanga, Mudzimu Wanga, ndi ngani Wo Mpfuralela?' Naa O zwi ita izwo, nga ijo duvha phanda ha mulovha nga masiari? Phisalema 22 hafhu, 18, zwiimbaro Zwawe zwo kovhekanywa vhukati havho. Naa vho ita izwo? Huno Phisalema 22:7 u swika ya 8, a holedzwa nga maswina Awe, tshivhidzo. Phisalema 22 hafhu, ho vha hu si na shambo muvhilini Wawe li no do vundea, fhedzi 'vho phula zwanda

Zwanga na ḥayo Dzanga,” O amba. O fara zwanda Zwawe nga murahu Hawe, a hu na u timatima, nga itsho tshifhinga. “Yesaya 53:12 yo ri U do fa vhukati ha vhatshinyi. Yesaya 53:9 yo ri O swiṭwa na vho pfumaho. Phisalema 16:10 yo ri, ‘A thi nga sii mbilu Yawe ngei vhudzulavhafu, nahone Ndi nga si litshe Uyo Mukhethwa Wanga a tshi vhona u sina.’ Huno Maleaxi 3 o vha e si mu-ranga-phanda wa uyu Munna?” Oo, ndi do takalela u vha ndo Mu pfa a tshi redza hezwo. Sedzani zwiporofito! Dzhielani nzhele, zwenezwo zwifanyiso zwe the zwine A nga kha di vha o fhira khazwo, nga ha Isaka, kha Genesi 22, nga ndila ye Mudzimu a tsivhudza Isaka, nga ndila ye khotsi Abrahamu a dzhia murwa wa ene muṇe, o hwala khuni a tshi gonya muvhundu, huno a ḥetshedza murwa wa ene muṇe.

¹²³ Zwe vha zwi tshi khou thoma u nwelela ngomu havho. O vha o no di vha vhudza zwauri ndi matsilu nga ḥwambo wa u sa sedza vhuporofita ha iļo ḫuvha. Huno zwino zwi thoma u nwelela, vha thoma u vhona u khunyelela ha izwi zwe the zwa vha zwe no itea mađuvhani a si gathi o fhiraho, kha miňwaha mivhili kana miraru yo fhiraho, vhuporofita ho khwaṭhisizedzwaho ha tshikhathi. Nga itsho tshifhinga vho mbo zwi ḫivha zwauri Khonani yavho yo vhambiwaho, Yesu, o khunyelēdza Ipfi liňwe na liňwe la izwi. Oo, nga itsho tshifhinga vho mbo zwi ḫivha zwauri uyo Munna nga ngoho o vha e uyo Mesia, uri—uri U tea u vuwa vhafuni. “Tshalo a tsho ngo kona u Mu fara. ‘A thi nga litshi Uyo Mukhethwa Wanga a tshi vhona u sina.’ A hu na Ipfi na liňhihi la vhuporofita line li nga vhuya la kundelwa. Huno O vuwa.”

¹²⁴ “Zwenezwo avho vhađinđa ngei fhasi vhiđani nga matsheloni a ḥamus vho vha vhe ngohoni. O vuwa vhafuni. U a tshila. Ndi ene uyo Mesia.” Ndi ngani? Ni songo zwi kundelwa. “Nyito Yawe, mushumo Wawe na tshiňwe na tshiňwe tshe A ita tsho khwaṭhisizedzwako kokotolo Maipfi e muporofita a amba uri a do itea nga lino ḫuvha. Izwo zwe zwi ita.” Zwenezwo vho zwi ḫivha zwauri ho vha hu Ene, Khonani yavho yo vhambiwaho, Yesu, we a zwi ita. A zwi mangadzi mbilu dzavho dzo swa ngomu havho musi A tshi amba navho. Zwino vho no di tshimbila maela dza rathi, huno ho vhonala hu tshi nga tshifhinga ndi tshiṭuku.

¹²⁵ Huno ḥetshki tshiňwe tshithu tshe vha ita, ni a ḫivha, vho no pfa theroy awara dza rathi nga ha vhuporofita vhu tshi khwaṭhisizedzwako. Izwo ndi zwe A amba navho nga hazwo ndilani. Zwenezwo vha tshi thoma u tsela fhasi ndilani, A bvela nnđa, ngauri O vha e henehafho Yerusalem. Ho no lengiwa nga awara dza rathi...nga murahu, stadia dza furathi, vho vha vhe henehafho ndilani maela dza rathi u ya Emausi. Izwo ndi zwine zwa vha zwone. Huno O vha o no rera, a khwaṭhisva vhuporofita nga awara dza rathi. Ni songo nkhaṭula nga ha dzanga tharū, zwenezwo, ni a vhona. Ni a

vhona? Fhedzi dzhielani nzhele, vho no rera... Ene... Vho no pfa theroy awara dza rathi nga ha vhuporofita vhu tshi khwaθhiswa, khwaθhisedzwa.

¹²⁶ Zwino ho vha hu tshi khou yela tshifhingani tsha nga madekwana. Ni a ðivha, Ha shanduki mulovha, ñamusi, na lini na lini. Zwenezwo nga itsho tshifhinga A mbo bonyolosa maþo avho uri vha ðivhe iyo Vhaheberu 13:8, Ha shanduki mulovha, ñamusi, na lini na lini. Nga tshifhinga tsha nga madekwana, zwiwo zwi itwa zwi pfalaho nga vhuporofita. Tshine tsha khou itea kha awara ya musalauno tshi nga kona u þaluswa arali ni tshi ðo tou tenda vhuporofita ha awara.

¹²⁷ “Ee, matsilu, vha dzithotho kha pfeseso, vha dzithotho kha u tenda (ni dzulela u humbula nga hazwo), u tenda izwo zwe the zwe vhaporofita vha amba nga ha Mesia, uri a zwi nga ðo tea u bvelela?” Zwino O ðola idzi mbuno murahu hoþe huno a sumbedza zwe muporofita a amba uri izwo zwi ðo bvelela. Zwenezwo vha thoma u pfesesa. Ngauralo A ri... ita u nga ri O vha a tshi khou yo fhira. Vho takalela yu Munna. Vha ri, “Iwe, Wo ri nea tshiñwe tshithu. Na kathihi izwo a ro ngo zwi elekanya. U a tshila huñwe fhethu.” Vho vha vha tshi khou amba Nae, a vho ngo zwi ðivha. Ngauralo Ene... huno a hu na u timatima uri O vha sedza o tungufhala, huno A thoma u tshimbila u nga u ya phanda, fhedzi O—O vha o vha lindela uri vha Mu rambe. Izwo ndi zwe A zwi lindela madekwana a ñamusi, uri inwi ni Mu rambe.

¹²⁸ Dzhielani nzhele, musi avho vhafunziwa vho Mu ramba kha vhutama havho ðafulanî, zwenezwo nga itsho tshifhinga A mbo ita tshiñwe tshithu u tou fana na tshe A ita hu sa athu vha na u vhambiwa Hawe, huno maþo avho a bonyolowa. Vho ðivha mukhwa Wawe, tshitaela Tshawe. Vho zwi ðivha zwe A ita, huno O zwi ita tshifhingani itsho u fana na zwe A vha o no ita murahu. Huno vha ri, “Uyo ndi Ene!” Huno nga u þavhanya vha takuwa uri vha zwi zhambele, huno A xela-xela. Huno he vha dzhia awara dza rathi u thetshellesa iyi theroy, khamusi lwa miniti dza fumbili vho humela murahu nga ñayo dzi leluwaho u yo vhudza vhañwe vhoþhe, “O vuwa nga ngoho. U a tshila zwa vhukuma.”

¹²⁹ Dzikhonani, izwi ndi u khunyelela ha Maleaxi 4, Luka Mukhethwa 17, Yohane Mukhethwa 15, oo, nnzhi nga maanda, Nzumbululo 10, zwiporofito zwinzhi nga maanda zwine zwi nga nambatedzwa kokotolo kha lino duvha. Nahone na kha Bugu ya Marko na kha Mateo, he A ri izwi zwiga zwi hulwane na zwimangadzo zwi ðo bvelela lutomboni, huno vhathu vha zwi vhidza dzisosara, sosara dzi fluhfaho, dzi kona—dzi kona u xela-xela nga maanda na u þavhanya ha muhumbulo, vhuþali vhune vhu nga dzhena ngomu. U kona u ñwala, U kona u amba, U kona u ita tshiñwe na tshiñwe tshine A ðoda. Khavhu ya Mulilo khulwane, “i sa shanduki, ñamusi, na lini na lini.” Huno mabono a tshi ða kha liphasi, phiramidi dza vhutsi dzi

tshi gonya ngomu tuyani, kule-kule nga nt̄ha ha hune hu nga si vhe na muñunu kana tshithu, maela dza furaru u ya nt̄ha. Zwo bvumbiwa ñwaha na hafu zwi sa athu bvelela, zwauri zwi do vha nga iyo ndila. Zwenezwo rembulusani tshifanyiso huno ni vhone uri ndi Nnyi o sedzaho fhasi. A hu na Ipfi na lithihi le la vhuya ja kundelwa lo ambiwaho, huno ngeli Ipfi lo ñwaliwaho la Mudzimu, li tshi khou khwañthisa uri ndi Ngoho. Huno ndi tshifhinga tsha nga madekwana hafhu. Ndi a mangala arali A tshi do vhuya, nga tshilidzi, madekwana a ñamusi huno a ita tshiñwe tshithu zwino vhunga O ita ngei murahu. Kha ri rabele huno ri Mu humbele. Zwiwo zwi itwa zwi pfalaho nga vhuporofita ho khwañhisézwaho.

¹³⁰ Mudzimu Ramaandaothe, ri thuse, Mudzimu a funwaho, u pfectesa, u pfectesa zwithu zwine ra tea u zwi ñivha, u pfectesa Ipfi Lau. Huno zwino, Murena, ro no pfa dzithero zwino lune lwa ñodou vha lwa miñwaha ya zwigidi zwivhili, mañwalo a dzibugu. Huno mađuvhani aya a u fhedzisela fhano zwo no redzemutshela murahu hafhu, huno zwino ndi u yela tshifhingani tsha nga madekwana. Vhamethodisi, Vhabaphuthisi, Vhapuresbiterieni, na vhunzhi havho u tsa fhasi nga kha tshikhathi vho amba na Iwe, huno khamusi nga thungo ya ndila ya ili ñuvha ñihulwane le la si vhe vhusiku kana masiari, vhunga muporofita o amba, fhedzi tshifhingani tsha nga madekwana hu do vha Tshedza. Yesu o vuwa vhidani huno a ñivhonadza kha Simoni na kha vhasadzi, huno a vha sumbedza zwauri U a tshila. Ayo o vha e matsheloni. Huno zwenezwo nga madekwana U a vhuya murahu hafhu. Fhedzi O tshimbila a ya khavho nga masiari, a tshi vha kaidzela vhupofu havho, fhedzi zwenezwo A Ñidivhadza khavho tshifhingani tsha nga madekwana.

¹³¹ Mudzimu, dzhena ngomu vhutamani hashu madekwana a ñamusi vhune ra vha naho kha Ipfi. Mudzimu, zwi a shaea nga maanda u tendiwa ñamusi vhukati ha vhathe, fhedzi ndi a livhuwa zwauri hu na vhañwe vhe Wa vha vhidza huno wa vha odeinela Vhutshilo Vhu Sa Fheli, huno Wa ri, "Vhothe vhe Khotsi a Nñea vha do da." Huno zwino musi Zwedza zwa nga madekwana zwi tshi khou penya, musi Wo tendela, Murena, zwauri a hu na vhuporofita na vhuthihi (kha ha madana ho no bvaho) ho vhuyaho ha kundelwa nga tshiñwe tshifhinga. Zwenezwo ngoho arali uvho vhu tshi talusa, hu tea u vha Iwe, ngauri a hu na muthu aye a nga vha wa vhuronwane nga u ralo. U tou fana na Bivhili, a hu na munna we a kona u ñwala, a hu na kha tshikhala tsha miñwaha ya gidiñrathini, nga vhañwali vha fuina vho fhambanaho, vha kona u ñwala, huno ha sa vhe na vhukhakhi na vhuthihi Khayo.

Mudzimu a Funwaho, ndi rabela uri U Ñivhonadze madekwana a ñamusi, nga Vhaheberu 13:8, zwauri Iwe u a sa shanduki mulovha, ñamusi, na lini na lini. Huno mishumo ye Wa ita tshifhingani itsho, U a ita ñamusi. Nahone Wo zwi

fulufhedzisa, Wo ri, "Kha aya mađuvha a u fhedzisela, musi shango lo dzula vhunga Sodoma na Gomora, u shandea." Ri sedza avha vhatukana u tou fana nga maanđa na vhasidzana, vha tshi ambara zwiambaro vhunga vhone, nahone—nahone ra vhona vhasidzana vha tshi khou lingedza u ita vhunga vhatukana, huno ra vhona vhasadzi na vhanna kha itshi tshikhathi tsho shandeaho, ra vhona u funa vhudzekani ho no vha u luvha tshi—tshifanyisamudzimu. Mafhungo-madifha o sukumedzelwa nnda thungo nthihi, na u vha fhedzi tshivhidzoni tsha Laodikea. Oo Mudzimu, ndi awara-de nandi! Ida, Murena Yesu, Diite uri u ðivhee kha riñe. Ngauri ri zwi humbela Dzinani la Yesu.

¹³² Zwino musi no kotamisa zwifhaatuwo zwanu, mađo anu o valwa, ndi khou yo ni vhudzisa tshiñwe tshithu. Ni a tenda zwauri Mudzimu u fhano? Naa ni a tenda zwauri zwithu zwine A khou zwi ita ñamusi ndi vhuporofita ho khunyelelaho? Naa ni a tenda zwauri Yesu Kristo ha shanduki mulovha, ñamusi, na lini na lini? Naa ni a tenda zwauri musi O vha e fhano nahone o vhonadzwa ñamani u itela ijo ðuvha, huno mishumo ye A ita henengei, yo vha i ya u dovhiloswa nga lino ðuvha? Muporofita o amba nga u ralo. Bivhili yo amba nga u ralo. Luñwalo lwothe lu fanela u khunyelela, lu nga si kone u kundelwa. Naa O Ðitalusa hani? Nga u vha uyo Muporofita we Mushe a amba nga hae. O ðivha zwiphiri zwa mbilu dza vthatu. Musadzi o kwama tshiambaro Tshawe, A rembuluwa huno a ri, "Lutendo lwau lwo U tshidza." Musi Simoni Petro a tshi da Khae, O ðivha dzina ñawe, a mu vhudza uri ndi ene nnyi, khotsi awe vho vha vhe vhonnyi. Huno uyo Yesu a takadzaho a sa shanduki ho ngo fa, U a tshila u swika lini na lini. Thendo kha Mudzimu! Huno ndi a tenda, tshifhingani itshi tsha nga madekwana zwino, O ri vhidzela fhethu huthihi hafhu.

¹³³ Oo Murena Yesu, ida vhukati hashu. U songo ri fhira. Ida, dzula vhusiku hothe na riñe u swika uvhu vhusiku ho no fhira, zwenezwu kha ri tuwe na Íwe matshelo; ri nga kona u U ðivha nga maanda a mvuwo Yau, uri lufuno Lwau na tshilidzi na khathutshelo zwi kone u vha na riñe. Oo Mudzimu wa U Ya Nga Hu Sa Fheli, tendela izwi zwithu. Ri a zwi ðivha uri ndi Mudzimu e eþhe fhedzi ane a nga zwi tendela.

¹³⁴ Nga u khethea ha ino awara, kha ri ambe izwi. Mudzimu, Khotsi ashu, ñama yashu ndi thaberenakele i tungufhadzaho Yau. Fhedzi, Murena, tendela tshilidzi tshi khethefhadzaho Tshaw, Muya Mukhethwa Wau, u da zwino. Ri kunakise kha u timatima huñwe na huñwe na ndado iñwe na iñwe, u humbulela huñwe na huñwe na mutaladzi muñwe na muñwe wa thimothimo une wa ðo vha kha riñe, uri ri kone u vhofholowa ri si na u timatima na huthihi; ra bva, ra bula ri na tshivhindi vhunga Petro, "Iwe u Kristo, a sa shanduki mulovha, ñamusi, na lini na lini."

¹³⁵ Ri tenda uri Ipfi Lau ndi Ngoho, Murena. Kha ri tou vhona, ri sa athu thoma uyu muduba wa thabelo, Murena, Didivhadze kha rine. Vhunga Wo amba, “Sa zwe zwa vha zwi zwone mađuvhani a Loto,” musi Abrahamu, itsho tshigwada tsho vhidzelwaho nnđa tsho lindelaho murwa o fulufhedziswaho, Loto o vha e henengei fhasi a tshi khou pfa Billy Graham wa musalauno na Oral Roberts kha iyo mbekanyo ya dinomineisheni henengei fhasi, sa lushaka. Fhedzi Abrahamu o vha e mudziileli a si na linwe dzangano-vho, hu tshi tou vha itshi tshigwada tshițuku tshi no khou tendeleka kha shango le a vha a tshi khou yo vha mulaifa walo. “Huno vha vhulenda lifhasi li do vha ifa lavho.” Linwe đuvha, fhasi ha murunzi wa muri, musi vho dzula, vha tshi khou awela, Mudzimu a tsela fhasi nga tshivhumbeo tsha Munna. Vharuňwa vhavhili vho tsela fhasi ngomu Sodoma. Huno Mudzimu, namani ya muthu, o sumbedza uri O vha e ene, A ri, “Abrahamu, naa mufumakadzi wau u ngafhi, Sarah?” Mađuvha a si gathi izwo zwi sa athu vha hone, o vha e Abram; huno Š-a-r-r-a, Sarra; hu si Sarah, “mufumakadzi wa mukololo.” Huno Wo mu vhidza nga dzina lawe la mufumakadzi wa mukololo, nwananyana wa khosi. Wo vhidza Abrahamu nga dzina lawe, Abrahamu, khotsi a dztshaka. Huno Wo ri, “Ndi khou yo u dalela.”

¹³⁶ Mudzimu, nga ndila ye mbilu ya uyo muporofita ya fanela u vha yo fhufha! O divha uri Iwe wo vha u Nnyi nga itsho tshifhinga. A zwi mangadzi o ɻanzwa nayo Dzau, a bvisa zwiliwa zwe a vha e nazwo, nahone zwenezwo zwa khwinesa, a zwi vhea phanda Hau. O zwi divha uri uyo o vha e Mudzimu heneffho. Zwenezwo A ri, “Naa Sarah u ngafhi?” hu tshi nga O vha a sa divhi. Huno Iwe...

¹³⁷ Abrahamu a ri Khae, “U denndeni...wa musadzi u denndeni, murahu Hau.”

¹³⁸ Huno Iwe wo amba zwe zwa vha zwi tshi khou yo bvelela. Huno wa musadzi, mbiluni yawe, o Li timatima. Huno zwenezwo Iwe—Iwe wo ri kha Abrahamu, “Ndi ngani Sarah izwo o zwi timatima, a tshi amba mbiluni yawe, ‘Izwi zwithu zwi nga si konadzee?’ Naa hu na tshithu tshi kondesaho kha Mudzimu?”

¹³⁹ Oo Mudzimu! Yesu, Mudzimu o vhonadzwaho wa Ipfi, Wo ri, “Sa zwe zwa vha zwi zwone mađuvhani a Sodoma,” shango li do vha li kha iyo nyimele hu sa athu da tshinyadzo ya shango la Vhannda, tshikhathi tsha Vhannda. Ri hafha, Vhasodomu u guma nga midzi! Huno zwenezwo Wo amba zwauri Murwa-muthu, ane tshifhinga tshothe a ambiwa sa “muporofita,” u do dzumbululwa nga iyo awara. Khunyeledza Maipfi Au, Oo Mudzimu. Rine, vhana Vhau vha tendaho, ro lindela nga mbilu dzi fulufhedzeaho, u ri nea lutendo, Murena, uri, musi ri na muduba wa thabelo, vhatthu vha tende. Ndi tshifhinga tsha nga madekwana, Khotsi. I ri Zwedza zwa

Murwa wa Mudzimu (We a vha e Hone, huno A re Hone, nahone U Do Da) zwi vhonadze Ene muñe nga vhuporofita he A vhu ita. Dzinani la Yesu Kristo. Amene.

¹⁴⁰ Nñe zwino ndo lugela u—u rabelela vhalwadze. Fhedzi ndi tshithu tshi kanukisaho, nga ndila ya musi ri tshi ima hafha. Hafha ndi a ima hafha zwino ndi tshi khou ita khaedu kha vhathu, huno ndi na vhuñumaní kha lushaka lwothe, ya uri Mudzimu u kha di vha Mudzimu. A nga si kone u kundelwa. Huno zwine A fulufhedzisa, izwo U do ita. A nga si kundelwe u zwi ita na kathihi, ngauri O fulufhedzisa u zwi ita. Ngauralo-ha ndi nga kona u vhea fulufhelo lo khetheaho kha zwe A amba. Ngauralo-ha ndi toda U Da Hawe, ndi a Mu toda uri a bvelele tshifhinga tshiñwe na tshiñwe, ngauri O amba, “Kha awara ine na sa elekanyi,” shango li sa elekanyi, “zwenezwo U do bvelela.”

¹⁴¹ Zwino, u ya nga hune nda ñivha... Nñe ndi kha thaberenakele yanga fhano, huno hu na vhathu vha si gathi vho dzulaho hafha vhane nda—nda vha ñivha. Mukomana Wright, vha si gathi vha avha vho dzulaho hafha, avho henefha nga thungo ya hafha, ndi a vha ñivha. Fhedzi hu na vhanzhi vha vhoinwi vhane nda sa vha ñivhe. Huno a thi na ndila ya u amba zwauri Mudzimu u do ita itsiti madekwana a ñamusi. Ro Mu vhona a tshi tshi ita kha miñwaha na miñwaha yo fhiraho, fhedzi A nga di si zwi ite madekwana a ñamusi. A thi ñivhi. Izwo zwi Khae. Ndi muhulwane. U ita zwine A tama u ralo. A hu na ane a nga Mu vhudza zwine a tea u ita. U dzula e ethe, kha lufuno Lwawe na ndila Dzawe. Fhedzi ngauri O zwi fulufhedzisa, nñe ndi khou Mu humbeluuri a zwi ite. Hu si u itela riñe, uri ri a zwi toda, fhedzi khamusi u itela vhañwe vhatsinda, uri Muya Mukhethwa u kone u dolisiwa... zwino u tshi khou ri dolisa. Zwino, a hu londwi uri U nnadolisa zwingafhani, U tea u ni dolisa, na inwi-vho, zwa vhukuma, u tenda.

¹⁴² Zwino ndi toda u vha na muduba wa thabelo, huno ndi toda u rabelela vhalwadze nga maanda u ya nga hune nda kona. Zwino, ri nga di vha na muduba, u vhidza vhathu huno ra vha ñisa ngeno ntsha, muduba wa thabelo huno ra rabelela muñwe na muñwe hafha a no lwala, ndi zwi dzhia nga u ralo, nda vha na vhakomana vhanga vha vhashumeli u da ngeno na riñe, huno ra vhea zwanda kha vhoinwi. Riñe nga ngoho ri nga ita hezwo. Kana ri nga kha di humbelu Khotsi ashu, Ane a vha Ene fhedzi ake a kona u ni itela tshiñwe na tshiñwe, ngauri zwanda zwanga zwi tou vha munna vhunga vhoinwi vhanna. Fhedzi tshithu tshi re hone, a si tshanda tsha muthu tshi no zwi ita; ndi Ipfi la Mudzimu. Lutendo kha ilo Ipfi ndi tshire tsha zwi ita. A hu na tshithu tsha saintsí nga hazwo, zwi tou vha zwi si zwa saintsí tshothe.

¹⁴³ A hu na tshithu na tshithihi tshire Mukriste a vha natsho kha zwithavhane zwawe tshire tsha vha tsha saintsí. Naa izwo no zwi ñivha? Lufuno, dakalo, mulalo, u kondelela, vhuvhuya,

vhulenda, u vuða, vhusifhelembilu, lutendo, Muya Mukhethwa, tshiñwe na tshiñwe a tshi vhonwi nga saints. Huno itsho ndi tshone tshithu fhedzi tshine tsha vha tsha vhukuma nahone tsha fhedza tshifhinga tshilapfu. Tshiñwe na tshiñwe tshine na tshi sedza tshi bva kha lifhasi huno tshi humela murahu kha lifhasi. Fhedzi zwithu zwine na si kone u zwi vhonwa nga ito lwañu, fhedzi na Li vhonwa li tshi Ditanzilela, ilo ndi shango la U Ya Nga Hu Sa Fheli.

¹⁴⁴ Naa ni ðo tenda, arali Mudzimu a tshi ðo Divhonadza nahone a sumbedza uri U fhano u a tshila, a tshi ita zwithu zwenezwo zwithihi zwe A ita ngei u rangani, nga murahu ha uyu Mulaedza, naa ni ðo zwi ðanganedza sa phodzo yanu? Ngavhe Mudzimu a tshi zwi tendela. Zwino ndi khou humbelu nnyi na nnyi nduni, hu sa londwi uri ni nnyi kana hune na bva hone, ndi khou ni humbelu u tenda nga u khethea fhedzi uyu Mulaedza uri ndi Ngoho. Uyo ndi Mulaedza une Mudzimu a vha nawo kha Bivhili Yawe u itela ino awara, wa uri Yesu Kristo u fhano madekwana a ñamusi nahone u a tshila. Zwino kañukuñuku...

¹⁴⁵ Vhoinwi vhatu vhoþhe ni a ðivha nga ha nñe, nñe ndi henehafha ðoroboni he nda aluselwa hone. A thi na na pfunzo ya girama ya tshikolo. Izwo ndi ngoho kokotolo. Huno no nndivha lwa tshifhinga tshilapfu lwo eðanaho, ndi fhlufhela uri ndi tshila phanda ha vhoinwi u ni sumbedza uri nñe ndi a fhlufhedzea na u fulufhedzea. Nñe a thi muhoi. Na vhasasaladzi vhanga a vha zwi ambi hezwo. Vhone, vhone vha tou ri, "Inwi-inwi a ni muhoi, fhedzi ni tou vha a khakhaho fhedzi. Ni tou vha a khakhaho nga u sa ðivha, hu si nga khole." A thi elekanyi uri nñe ndi a khakhaho nga u sa ðivha, ngauri Ipfi la Mudzimu li ðanzielela Mulaedza wanga, huno U tea u ni vhudza uri Ene ndi Nnyi. Huno ni a mpfa nga ndila i pfalaho ndi tshi ri A si nñe, ngauralo zwenezwo Hu tea u vha Ene. Naa izwo ndi zwone? Ivhani na lutend kha Mudzimu-ha. Sedzani thungo iyi, huno ni tende Mudzimu. Arali ni tshi nga kona u tenda Mudzimu, Mudzimu u ðo ni tendela. Arali A tshi nga kona u ita hezwo vhunga O ita ngei murahu, zwenezwo U kha di vha Mudzimu. Ni a zwi tenda izwo?

¹⁴⁶ Ni a zwi tenda? Mufumakadzi o dzulaho hafha phanda hanga, o ntsezah, miñodzi i mañoni awe, nga u fulufhedzea. A thi ðivhi uri ndi ene nnyi, na kathihi a thi athu mu vhonwa. Nñe ndi mutsinda kha inwi. Naa ni a elekanya uri Mudzimu u ðivha tshiphiri tsha mbilu yanu, lutamo lwañu, kana tshivhi tshanu, kana tshiñwe na tshiñwe tshire tsha vha tshone? Ni a elekanya uri U a ðivha? Ni a elekanya uri A nga kona u nndzumbululela uri tshivhi tshanu ndi tshifhio, tshe na ita, tshe na vha no tea u vha ni songo tshi ita, kana lutamo lwañu, tshiñwe na tshiñwe tshi re tshone? Arali A tshi ðo zwi ita, naa zwi ðo ni ita uri ni Mu tende, na ðivha zwauri hu tea u vha Ene? Naa ni ðo zwi ðanganedza sa

Ene? A si tshivhi tshañu tshi no khou ni dina; no tshi bulu hetsho. Fhedzi ni khou ḥoda ndovhedzo ya Muya Mukhethwa Wawe. Ni ḥo I wana. Ndo I vhabona i tshi tsela fhasi khae.

¹⁴⁷ Uri ni kone u zwi ḫivha uri ndo vha ndo sedza uyo musadzi, o vha o ntsedza, ndi ḥoda u ni sumbedza Muya Mukhethwa. Sedzani hafha, henefha nga n̄tha ha hoyu musadzi mułuku o dzulaho hafha, afho fhasi ha nayo dzanga hafha. Musi ndo amba itsho, itsho ndi tshenetsho tshithu tshithihi tshine a tshi ḥoda, ndi ndovhedzo ya Muya Mukhethwa. Ni a tenda uri ni ḥo I ḫanganedza, khaladzi? Imisani tshanda tshañu, zwenezwo. A thi athu vhabona uyo musadzi vhutshiloni hanga na kathihi, ndi tshi mu ḫivha.

¹⁴⁸ Vhaboni uyu munna hafha o kotamisaho ḫoho yawe, o dzulaho henehafho, e na kholoro i sa mu lingani, na zwiñwe-vho. Inwi ni tambudza nga vhuleme ha dundelo. Ni a tenda uri Mudzimu u ḥo ni nea mutakalo? Imisani tshanda tshañu arali ni tshi ḥo U ḫanganedza. Zwo luga, Mudzimu nga a ni tendele khumbelo yañu.

¹⁴⁹ Uyu muñhannga o dzulaho henehafha, a no khou ḥoda ndovhedzo ya Muya Mukhethwa. Inwi ni a tenda uri Mudzimu u ḥo ni nea Yone; muñe wanga, ni na thai yañu tshena ya ludzi yo nembelelaho nga murahu? Mudzimu u ḥo zwi tendela.

¹⁵⁰ Uyu munna hafha u khou rabelela mufumakadzi wawe. U kha tshimiswa. Inwi ni a tenda uri Mudzimu u ḥo mu fhodza, a mu nea mutakalo? Ni a zwi tenda? Ni nga vha nazwo.

¹⁵¹ Tshanda tshañu tshi n̄tha u swika kha mukulo wañu, ni a tenda uri Mudzimu a nga kona u fhodza iyo nyimele ya mbilu i no khou ni dina, uvho vhuleme ha thumbuni vhune na vha naho? No dzula henefho, ni tshi khou tambula zwa zwino. Naa izwo ndi zwone? Ni a tenda uri U a ni fhodza? Zwenezwo ni nga vha nayo. Amene.

¹⁵² Ni a vhabona uri Ha shanduki mulovha, ñamusi, na lini na lini. Vhudzisani avho vhatu, vhaboni arali ndi tshi vha ḫivha. A thi ralo, fhedzi Ene u a ralo. Amene. Vhaboni itsho Tshedza nga thungo ya luvhondo hangei, tsho nembelelaho henefho fhasi nga n̄tha ha munna o dzulaho henefho. U khou tambudza nga nyimele ya mutshilishili kha muñodo wawe. Ha bvi fhano, u bva Georgia. Vho-Duncan, kha vha tende nga mbilu yavho yothe, Mudzimu u ḥo fhodza uvho vhuleme ha muñodo. Vha a tenda nga mbilu yavho yothe? Mudzimu a vha fhañutshedze.

¹⁵³ Ngoyu munna o dzulaho ngeno murahurahu, e na vhuleme ha muñodo, o ntsedza. A thi mu ḫivhi, fhedzi ndi Vho-Thompson. Vha a zwi tenda? Kha vha ime, muñe wanga, henefho murahu, u itela uri... Nñe ndi mutsinda khavho. Izwo ndi zwone. Fhedzi vho dzula henefho, vha khou rabela. Vhuleme ha muñodo havho ho fhola zwino. Yesu Kristo u vha nea mutakalo.

¹⁵⁴ “Hu ḍo vha Tshedza tshifhinga tsha nga madekwana tsho no vha tsini.” A ni vhoni, U fhano madekwana a ɻamus! Ndi ene NDI HONE muhulwane. Ha shanduki mulovha, ɻamus, na lini na lini. Naa ni a zwi tenda? Naa no fushea nahone no tenda tshothe zwauri uyu ndi Yesu Kristo a no khou ɻidivhadza, a no khou ɻitalusa kha vhuporofita?

¹⁵⁵ Ni songo vhilaela nga iṭo. Mudzimu u fhodza vhalwadze na vha ɻhupheaho.

¹⁵⁶ Ndi vhatu vhangana vha no . . . Naa ndi vhangana vha re ngomu hafha, vha lwalaho? Kha ri vhone zwanda zwañu. Hu vhonala hu tshi nga ndi u kokodza nga maanda na maneto. Naa hu na muñwe wa vhoiñwi vhatu-who a re na garata dza thabelo? A thi divhī uri ndi do ni pfukisa hani hafha. Ndi ḍoda u ni rabelela, huno a thi divhī ndila ya u zwi ita. Ni a vhone uri mini, sedzani luhondoni, naa ndi ḍo vha dzhenisa hani ngomu heneffo? Mini-ha arali ni tshi wana phasedzhi nthihi yo tsitsikana? No wana inwe nthihi yo valea henehafho, muñwe na muñwe o ima o dzika.

¹⁵⁷ Thetshelesani, mpfeni. Naa ndo no vhuaya nda ni vhudza tshiñwe tshithu nga Dzina la Murena nga nn̄da ha tshe tsha khunyelela? Naa izwo ndi zwone? Tshinwe na tshiñwe tsho vha tshone tshifhinga tshothe. Na kathihi a thi athu ni humbelu peni na nthihi ya tshelede vhutshiloni hanga, naa ndo ralo? A hu na tshifhinga na tshithihi. Na kathihi a thi athu dzhia munikeloo vhutshiloni hanga. Nñe a thi fhano u ita tshelede. Nñe a thi fhano u ni fhura. Nñe ndi fhano u vhonadza Ipfi la Mudzimu la awara. Ndo ni vhudza Ngoho, huno Mudzimu o tanziela zwauri ndi Ngoho. Zwino ndi a ni vhudza, A RALO MĀNWALO, uri arali mutendi a vhea zwanda zwawe kha vhalwadze, Yesu o ri, “Vha ḍo fhola!” Naa izwo n̄i a zwi tenda? Zwenezwo, Vhuhoneni ha Mudzimu, naa a ni tendi uri U ḍo zwi ita zwa zwino?

¹⁵⁸ Zwino vheanani zwanda zwa vhoiñwi, huno ni zwi fare heneffo lwa muniti. Zwino, ni songo—ni songo rabela, itonu vheana zwanda zwa vhoiñwi; ngeyo nn̄da shangoni. Huno nñe, nñe muñe, nñe ndi khou dishuvhamela kha idzi sagaduku. Zwino ndi ḍoda inwi ni tshi ntsedza lwa muniti fhedzi. Naa ndi mini tshe Mudzimu a sa tshi ite? Sedzani ndila ye A ralo, ndi liphio Ipfi le ra li vhala, zwiporofito zwe ra zwi amba, zwauri Yesu o ɻitalusa nga zwiporofito. Zwino sedzani awara, nahone idzi vhege dzo fhiraho tharu he ra vhea awara ine ra khou tshila khayo. Sedzani zwe ra vhala, hani-ha nga ha vhaporofita vha khole-khole na zwiga kañkuñku zwine zwa ḍo fhura vhanangiwa. Ndila ye Ipfi la vhonadzwa, ndila ye mudzimu wa tshino tshikhathi a pofudza mazwifhi . . . mibilu dza vhatu. Na ndila ye Mudzimu Ene muñe a amba nga kha zwiporofito Zwawe zwauri izwi zwithu zwi ḍo itea kha itshi Tshikhathi tsha Laodikea. A hu na tshi songo itiwaho. Mudzimu u fhano sa Mudzimu a sa shanduki we a amba na

avho vhathu vha yaho Emausi, we a Dītalusa nga zwiporofito zwe zwa bvumbelwa Ene, U fhano madekwana a namusi a tshi khou ḥalusa Vhuhone Hawe nga zwiporofito two bvumbelwaho itshi tshikhathi. Ha shanduki mulovha, namusi, na lini na lini. Naa ni nga zwi tenda? Zwenezwo vheanani zwanda zwa vhoinwi. Ni songo dirabelela, fhedzi nga ndila yaṇu rabelelani uyo muthu we na vhea zwanda zwaṇu khae, ngauri u khou ni rabelela. Zwino sedzani, ni songo timatima.

¹⁵⁹ Huno zwino arali ni tshi nga kona u vhona tshire nne nda khou tshi sedza! Huno ni a zwi ḫivha uri ndo vha ndi si nga ni zwifheli, ndo ima hafha. Arali no vha ni tshi nga kona u vhona, huno lutendo lwaṇu lwo vha lu tshi nga kona u kokodza uyo Muya Mukhethwa muhulwane wo alavhelaho hangei kha maya—maya, we saintsya dzhia zwifanyiso zwawo, huno ya U vhona u tshi tshimbila nga kha itsi tshifhaṭo u tshi khou tou lingedza u wana fhethu ha u—ha u kavha, u tshi khou lingedza u wana fhethu ha ngimisi. U tendeni fhedzi, mukomana wanga. O zwi ḥalusa nga Luṇwalo na zwiṇwe-vho, izwo ndi zwone. Zwino rabelelani nga u fulufhedzea uyo muthu we na vhea zwanda zwaṇu khae; u khou ni rabelela.

¹⁶⁰ Yesu wa Nazaretha a Funwaho, mulandu, ri a zwi ḫivha, Murena, nga Ipfi, zwauri U fhano, nga pfulufhedziso ya uri U fhano, “Hune vhavhili kana vhararu vha kuvhangana nga Dzina ḥanga, heneffo Nne ndi vhukati havho. Huno izwi zwiga zwi do tevhela avho vhane vha tenda; arali vha tshi vhea zwanda zwavho kha vhalwadze, vha do fhola.” Nnda nga nt̄ha ha weivi dza ulu lutingo, ngavhe Muya Mukhethwa muhulwane u tshi dzhena ngomu tshihidzoni tshiṇwe na tshiṇwe. Ngavhe Tshedza Tshikhethwa tshenetsho tshithihi tshire ra tshi sedza henehafha tshihidzoni, ngavhe Tshi tshi wela muiwe na muiwe, huno ngavhe vha tshi fhola nga tshire tshifhinga. Ri kaidza swina, diabolo, Vhuhoneni ha Kristo; ri ri kha swina, uri lo kundwa nga u tambula ha mu—muṇwe a tshi itela muṇwe, lufu lwa Murena Yesu na mvuwo ya gundo nga duvha ḥa vhuraru; na vhutanzi ho sumbedzwaho Hawe ha uri Ū fhano vhukati hashu madekwana a namusi, u a tshila, nga murahu ha miṇwaha ya gididaṭahe. I ri Muya wa Mudzimu a tshilaho u dadze mbilu inwe na inwe nga lutendo na maanda, na maanda a fhodzaho a bvaho kha mvuwo ya Yesu Kristo, A no ḥaluswa zwino nga itsi Tshedza tshihulwane tshi no khou mona na kereke, Vhuhoneni Hawe. Nga Dzina ḥa Yesu Kristo, zwi tendele u itela vhugala ha Mudzimu.

¹⁶¹ Ngavhe idzi sagaduku dzine ra dzi rabelela, ngavhe dzi tshi ya kha vhalwadze na vha tambulaho vhe dza itelwa vhone. Ngavhe Muya Mukhethwa wonoyo muthihi u re fhano zwino u tshi khou ḥalusa Ene muṇe, u ḥaluse Ene muṇe kha mulwadze muṇwe na muṇwe aye izwi zwa vhewa khae. Ngavhe Vhuhone ha Mudzimu vhu tshi dadza nga maanda mbilu dzavho nga

lutendo u swika vhulwadze ha muvhili wavho vhu tshi fhodzwa. Izwi ri a zwi humbelo, u itela vhugala ha Mudzimu, Vhuhoneni ha Yesu Kristo na nga Dzina la Yesu Kristo, musi riñe sa vhalanda vha Yesu Kristo ri tshi zwi humbelo. Amene.

¹⁶² Zwino zwi tshi bva mbiluni dzanu, a thi londi zwe zwa vha zwo khakhea kha inwi, inwi ni nga kona, zwi tshi bva mbiluni yanu, u tenda nga mbilu yanu yothe zwauri Ipfi la Mudzimu lo ni n̄ea khumbelo yanu? [Tshivhidzo tshi ri, “Amene.”—Mudz.] Ndi tenda uri tshanda tshiñwe na tshiñwe, vhunga ndo kona u vhona, tsho ya n̄tha. Arali ni tshi zwi tenda, zwino elelwani, zwo vuledzea.

¹⁶³ Inwi a re ngeyo nnda kha darata dza lutingo, arali no tenda nga mbilu yanu yothe, musi vhashumeli vha tshi khou vhea zwanda kha inwi, huno vhafunwa vhañu vho vhea zwanda kha inwi, arali ni tshi tenda nga mbilu yanu yothe uri zwo vuledzea, zwo vuledzea. Muya Mukhethwa muhulwane, U fhano thaberenakeñeni madekwana a ñamusi. Ndo Mu vhona a tshi shuma kha vhathu, a Disumbedza hangeno nga thungo ya luvhondo, huno a tsela fhasi kha munna, a ñela ngeno fhasi na n̄tha nga kha tshifhañ, a tshi khou divhadza zwiphiri zwa dzimbiyu, u ̄alusiva ha Vhuhone Hawe, u sumbedza zwauri Ha shanduki mulovha, ñamusi, na lini na lini. U vhukati hashu! Ndi ene Mudzimu, Mudzimu a sa kundelwi na kathihi.

¹⁶⁴ Huno mbilu dzashu a dzo ngo swa ngomu hashu, huno a dzi khou swa zwino, u zwi divha uri riñe zwino ri Vhuhoneni ha Yesu Kristo o vuwaho, vhugala kha vhu vhe Hawe na thendo u swika lini na lini; A re nga tshifanyiso tsho bviselwaho khagala tsha Jehovah Ramaandoñ; We a alavhela fhasi nga tshivhumbeo tsha Khavhu ya Mulilo tshitakanu tshi swaho, u kokodza tshenzhemo ya muporofita; We a tsela kha thavha, huno muñwe na muñwe-vho we a i kwama o vha a tshi tea u vhulawa, nga nndani ha Mushe na Yoshua. Nga ndila ye zwa vha zwi ngayo zwe A ranga phanda vhana vha Israele nga kha soga, Iwendoni lwavho, sa tshifanyiso tsha vhathu vho vhidzelwaho nnda ñamusi. U hone hafha, nga ñhodisiso ya saints, nahone o Diñalusa phanda ha saints. Huno nga nyito dzenedzo Dzawe na nga vhuporofita honoho Hawe, zwithu zwo porofitiwaho nga Hae uri u do zwi ita nga lino duvha, u Mu ita a sa shanduki mulovha, ñamusi, na lini na lini, zwo khwathisedzwa lwo fhelelaho. Naa a zwo ngo edana u ita uri mbilu dzashu dici swe ngomu hashu? Mudzimu a ni fhatutshedze.

¹⁶⁵ Zwino ri kha lithihi, kha ri ime huno ri ri: N̄e zwino ndi tanganedza Yesu Kristo sa Mutshidzi na Mufhodzi. [Tshivhidzo tshi ri, “Nne zwino ndi tanganedza Yesu Kristo sa Mutshidzi na Mufhodzi.”—Mudz.] Huno nga tshilidzi Tshawe, [“Huno nga tshilidzi Tshawe,”] u bva kha ino awara u ya phanda,

[“u bva kha ino awara u ya phanda,”] Oo Mudzimu, [“Oo Mudzimu,”] u songo tendela u sa tenda [“u songo tendela u sa tenda”] u vhuya ha dzhena mbiluni yanga, [“u vhuya ha dzhena mbiluni yanga,”] ngauri ndo vhona [“ngauri ndo vhona”] vhuporofita [“vhuporofita”] ha lino ḫuvha [“ha lino ḫuvha”] vhu tshi khunyelela. [“vhu tshi khunyelela.”] Ndi a tenda [“Ndi a tenda”] zwauri Yesu Kristo [“zwauri Yesu Kristo”] u a tshila [“u a tshila”] nahone fhano zwino [“nahone fhano zwino”] a tshi khwathisa Ipfi Ławe [“a tshi khwathisa Ipfi Ławe”] la ino awara. [“la ino awara.”] Zwiporofito [“Zwiporofito”] two ńwaliwaho nga Hae [“two ńwaliwaho nga Hae”] two khunyeledzwa vhukati hashu. [“two khunyeledzwa vhukati hashu.”] Ndi ene Mutshidzi wanga, [“Ndi ene Mutshidzi wanga,”] Mudzimu wanga, [“Mudzimu wanga,”] Khosi yanga, [“Khosi yanga,”] Zwothe-kha-zwothe wanga. [“Zwothe-kha-zwothe wanga.”]

¹⁶⁶ Mudzimu a Funwaho, ipfa vhutanzi hashu. Huno ri nee, ḫuvha na ḫuvha, Tshinnkwa tsha Vhutshilo. Huno ri U nea thendo, Oo Mudzimu, i tshi bva vhudzivhani ha mbilu dzashu. Ri a U renda, Iwe wa Maanda, Mudzimu wa vhaporofita. Dzinani ja Yesu Kristo. Amene.

Oo, ndi tshikhathinyana-de, ndi tshifhinga-de nandi!

...tendani fhedzi;
Tendani fhedzi, itonu tenda fhedzi,
Zwithu zwehe zwi a konadzea, tendani
fhedzi.

Ngavhe ri tshi lu imba ngaurali.

Zwino ndi a tenda, oo, zwino ndi a tenda,
Zwithu zwehe zwi a konadzea, zwino ndi a
tenda;
Zwino ndi a tenda, oo, zwino ndi a tenda,
Zwithu zwehe zwi a konadzea, zwino ndi a
tenda.

Naa uvho ndi vhutanzi hańu? [Tshivhidzo tshi ri, “Amene.”—Mudz.] Zwino musi ri tshi kotamisa zwifhańuwo zwashu.

U swika ri tshi ḫangana! u swika ri tshi
ᬁangana!
U swika ri tshi ḫangana ḫayoni dza Yesu;
U swika ri tshi ḫangana! u swika ri tshi
ᬁangana!
Mudzimu a vhe na inwi u swika ri tshi
ᬁangana hafhu!

[Mukomana Branham u thoma u ńuńuna *Mudzimu A Vhe Na Inwi*, zwenezwo u amba na Murathu Neville—Mudz.] Naa ni ḫodou amba tshinwe tshithu? Vayle.

. . . nayoni dla Yesu;
 U swika ri tshi ḥangana! u swika ri tshi
 ḥangana!
 Mudzimu a vhe na inwi u swika ri tshi
 ḥangana hafhu!

¹⁶⁷ Ro kotamisa zwifhaṭuwo zwashu, Mukomana Vayle o ima hafha u ri balanganya nga thabelo. Mukomana Lee Vayle, ndi muñwali wa ino thaberenekele fhano, wa litheretsha na dzibugu, na zwiñwe-vho. Ndi mukomana wa vhūthogwa nga maanda, o vha e na nñe kha mafulo manzhi. Ndi tama ndo vha ndi na tshikhala tsha u tendela mushumeli muñwe na muñwe, u vha swikisa ngeno n̄tha huno nda amba navho. Ni a pfectesa, nne ndi na ngoho. Mushumeli muñwe na muñwe, ri takalela u vha na inwi fhano. Mirado zwayo yothe, vhatu vha zwivhidzo zwo fhambanaho, na vhañwe-vho, ri takalela u vha na vhoiñwi fhano. Huno nga ngoho ndi thabelo yashu nga tshashu, "Mudzimu a vhe na inwi u swika ri tshi ḥangana hafhu." Ro kotamisa zwifhaṭuwo zwashu, na zwanda zwashu zwo imisiwa, kha ri lu imbe hafhu nga ndila i difhaho vhukuma kha Mudzimu.

U swika ri tshi ḥangana! u swika ri tshi
 ḥangana!
 U swika ri tshi ḥangana ḥayoni dla Yesu!
 U swika ri tshi ḥangana! u swika ri tshi
 ḥangana!
 Mudzimu a vhe na inwi u swika ri tshi
 ḥangana hafhu!



ZWIWO ZWI ITWA ZWI PFALAHO NGA VHUPOROFITA TSV65-0801E
 (Events Made Clear By Prophecy)

Hoyu Mulaedza nga Mukomana William Marrion Branham, u rangani wo newa nga Tshiisimane nga madekwana a Swondaha, Thangule 1, 1965, Thaberenekejeni ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa ganđiswa u songo pfufhifhadzwa nga Tshiisimane. Heyi thalutshedzo ya Tshivenđa yo ganđiswa huno ya phađaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
 58 DISA ROAD, ADMIRAL'S PARK, GORDON'S BAY 7140 WESTERN CAPE
 REPUBLIC OF SOUTH AFRICA

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org